

**VESTFIRSKIR  
VERKTAKAR**  
www.vverk.is

Hábrýstipvottur  
Kjarnaborun  
Steinsögun  
Sími: 456 6600

**Íbúðalán.is**  
- kynntu þér lánakjörinn




Símanúmer  
Landsbankans  
á Ísafirði  
er  
**410 4156**

Landsbankinn  
Sími 410 4156  
Fax 410 3018

**Óháð fréttablað á Vestfjörðum í 20 ár**  
**BÆJARINS BESTA**  
Stofnað 14. nóvember 1984 · Sími 456 4560 · Veffang: www.bb.is · Verð kr. 300 m/vsk

Fimmtudagur 22. nóvember 2007 · 47. tbl. · 24. árg.



# Flestum kunnugri kerfinu

Aðalsteinn Óskarsson kynntist ungur almennum störfum í sjávarplássinu Hnífsdal. Hann gekk í Menntaskólann á Ísafirði og lauk síðar háskólanámi í sjávarútvegsfræðum með áherslu á stjórnun og skipulagningu. Frá því að hann kom heim frá námi árið 1990 hefur hann starfað óslitið í kerfinu svokallaða og jafnframt verið í stöðugri baráttu við kerfið. Aðalsteinn er í viðtali í miðopnu.

## Leiguverð á þorski hefur aldrei verið hærra

Leiguverð á þorski hefur aldrei verið hærra. Að því er fram kemur í fréttum Svæðisútvarps Vestfjarða greiða menn nú 230 til 240 krónur fyrir kílóíð í aflamarkskerfinu. Í nóvember í fyrra var verðið 155 til 160 krónur á kílóíð og hefur leigan því hækkað um allt að 80 krónur. Í smábátakerfinu er leiguverðið í dag, 200 til 220 krónur.

Á sama tíma í fyrra var það 115 til 120 krónur kílóíð. Verð á varanlegum þorskkvóta er komið upp í fjögur þúsund krónur kílóíð og hefur aldrei verið jafn hátt. Verðið hefur tvöfaldað á skömmum tíma og sjá hagsmunaaðilar í sjávarútvegi ekki fram á að það muni lækka á næstunni. Kristján Andri Guðjónsson, trillukall á Ísafirði, segir í samtali við Svæðisútvarpið þetta sé komið út úr kortinu. Hann segist ekki skilja hvernig hægt sé að gera út með góðu móti, kannski geti einhverjir það en hann geti það ekki.

Helsta skýringin á verðhækkunum er að eftir að þorskaflaheimildir voru skornar niður um þriðjung skortir margar útgerðir þorskkvóta til að mæta þeim þorski, sem óhjákvæmilega veiðist með öðrum tegundum.

— thelma@bb.is

## Sex til átta störf frá Innheimtustofnun sveitarfélaga til Ísafjarðar

Sex til átta störf á vegum Innheimtustofnunar sveitarfélaga verða flutt til Ísafjarðar. Halldór Halldórsson, bæjarstjóri Ísafjarðarbæjar og formaður Sambands íslenskra sveitarfélaga, segir að störfin verði 6-8 til að byrja með. Á fundi stjórnar sambandsins á föstudag var Svandís Svavarsdóttir kjörin varaformaður sambandsins, í stað Árna Þórs Sigurðssonar. Starfshópur sem skipaður var um flutning á Innheimtustofnun sveitarfélaga til Ísafjarðar taldi möglegt að flytja 6-8 störf til sveitarfélagsins. Hópurinn taldi þó ekki skynsamlegt að flytja stofnunina í heilu lagi þar sem flutningurinn gæti haft neikvæð áhrif á innheimtuárangur stofnunarinnar.

Um er að ræða bókhaldsvinnu og almenn samskipti við meðlagsgreiðendur. Samkvæmt álitinu gæti töluverður hluti af þeirri vinnu sem stofnunin innir af hendi, farið fram hvar sem er á landinu og þyrfti ekki að fara fram í Reykjavík. Meirihluti starfshópsins taldi að vanda beri vel til verka ef af flutningi verður, s.s. með endurskilgreiningu starfa og ítarlegri skoðun á rekstraráhrifum. Sigurgeir Sigurðsson, formaður stjórnar Innheimtustofnunar taldi þó að ekki væri vænlegt að flytja störf til Ísafjarðar, þar sem það gæti riðlað starfsemi stofnunarinnar verulega og gæti komið niður á innheimtuárangri hennar.

— smari@bb.is



Sex til átta störf eru á leiðinni til Ísafjarðar frá Innheimtustofnun sveitarfélaga.

Litill heimur ...



... hugsum stórt

**EIMSKIP**  
www.eimskip.is

## Dagurinn í dag

22. nóvember 2007 – 326. dagur ársins

**Pennan dag** árið 1907 voru vegalög staðfest. Þá var ákveðið að hér á landi skyldi vera vinstri umferð. Það var einkum gert vegna ríðandi kvenfólks sem notaði söðla og sat með báða fætur á vinstri síðu hestsins. Ekki var skipt yfir í hægri umferð fyrr en 26. maí 1968.

## Aukafjárveiting vegna skipulagsbreytinga

Bæjarráð Ísafjarðarbæjar hefur samþykkt að veita aukafjárveitingu að upphæð 1,5 milljónir króna vegna skipulagsbreytinga á Suðureyri. Í tillögu að breytingum á aðal- og deiliskipulagi á Suðureyri vegna frístundahúsa kemur fram að fylla þarf upp í hluta af lóninu svo hægt verði að úthluta lóðunum næsta vor. Gróflega áætlaður kostnaður vegna verkefnisins er 1-1,5 milljón króna en ekki er ljóst hversu mikið efni þarf í uppfyllingu þar sem engar dýptarmælingar liggja fyrir. Bæjarráð vísaði afgreiðslu erindinu til endurskoðunar á fjárhagsáætlun ársins 2007.



Frá uppsetningu LL á Skugga-Sveini. Mynd: Þorsteinn Tómasson.

# Frumstýnt fyrir fullu húsi

Leikritið Skugga-Sveinn var frumstýnt fyrir fullu húsi í Edinborgarhúsinu á laugardagskvöld. Hrafnhildur Hafberg leikstjóri segir að sýningin hafi gengið mjög vel og er mjög ánægð með útkomuna. Eins og venja er þegar svo stór verk eru sett upp fylgja því langir dagar æfingar langt fram á nætur. „Þær voru langar tvær síðustu næturnar fyrir frumsýningu og mikið álag á

öllum sem koma nálægt leikritinu, enda er þetta stór og mikil sýning“, segir Hrafnhildur. Í lok sýningar færði Ólafur B. Halldórsson fyrir hönd Vestra, Litla leikklúbbsins peningagjöf. Ólafur segir að þarna hafi gamalt loforð verið eftir en nefnt var við leikstjórnann að ef hún ynni það þrekvirki að setja leikritið á svið þá skyldi Vestri styrkja leikklúbbsinn.

Félagar Litla Leikklúbbsins hafa beðið lengi eftir að fá samastað. LL var einn þriggja aðila sem keypti Edinborgarhúsið 1991 og hóf endurbyggingu á því, ásamt myndlistarfélaginu og HF. Djúpbátum. Húsið var í niðurníðslu og hafði ekki verið notað í þó nokkur ár en hafði áður m.a. gegnt hlutverki rækjuverksmiðju, reykhusi hjá kaupfélaginu og frystigeyslu. „Það

má segja að við séum loksins komin heim“, segir Júlíus en mikil ánægja ríkir með það að félagið sé loks komið með sýningarhúsnæði.

Leikritið samdi Matthías fyrir skólapipta á Herranótt í Lærða skólanum og var frumstýnt þar árið 1862. Litli leikklúbbsurinn á Ísafirði var stofnaður 24. apríl 1965 og hefur staðið fyrir virku og öflugum og menningarlífi á Ísafirði.



## Engar frekari jarðhita-boranir vegna fjárskorts

Áframhaldandi jarðhitarrannsóknir í Álftafirði eru stöpp vegna fjárskorts. Ómar Mór Jónsson, sveitarstjóri Suðavíkurhrepps, segir að afar litlum peningum frá ríkinu sé varið til jarðhitarrannsókna á landsbyggðinni. Sumarið 2006 voru boraðar tíu rannsóknaholur og lofðu niðurstöður mjög góðu. Í janúar var lögð fram skýrsla þar sem jarðvísindamenn lögðu til að rannsókn- um yrði haldið áfram og tvær holur yrðu boraðar til viðbótar.

„Það var mikil gleði hjá okkur með þessar niðurstöður og við bjuggumst við stuðningi stjórnvalda en á honum hefur ekki bólað. Ég tala ekki um í kjölfar mót- vægisáðgerðanna en jarð-

hiti yrði mikil búbot fyrir íbúa sveitarfélagsins“, segir Ómar. Sveitarfélög geta sótt um fjármagn til Orkusjóðs en Ómar segir sjóðinn ekki hafa bolmagn til að verða við nema broti af umsókn- um. Rannsóknirnar 2006 voru samstarfsverkefni Suðavíkurhrepps, Orkubús Vest- fjarða og Orkusjóðs.

„Verkefnið er stöpp. Við getum ekki haldið áfram fyrr en við vitum hver af- staða stjórnvalda er. Aðkoma ríkisins er nauðsynleg því þetta er mjög dýrt. Við ætl- uðum að fá aðila til að bora þessar tvær holur síðastliðið sumar en treystum okkur ekki í það meðan ekki er vitað um hvað stjórnvöld ætla sér“, segir Ómar.

– smari@bb.is

# Studio Dan býður Ísafjarðarbæ í samstarf

Stefán Dan Óskarrson, eigandi líkamsræktarstöðvarinnar Stúdíó Dan á Ísafirði hefur óskað eftir stuðningi frá Ísafjarðarbæ upp á 3-4 milljónir króna. Í bréfi sem Stefán sendi bæjaryfirvöldum greinir hann frá tímamótum hjá fyrirtækinu sem tekið hefur á leigu

500m<sup>2</sup> húsnæði á 2. hæð að Sindragötu 7, þar sem sushi- verksmiðjan Sindraberg var áður með starfsemi. Stefán áætlað að það kosti 8-10 milljónir króna að breyta stöðinni í nýtt skulega líkamsræktarstöð.

„Því set ég hér fram þá ósk

að bæjarsjóður taki þátt í þessu framtaki mínu með því að leggja til fjármagn að upphæð 3-4 milljónir sem greiddist til baka í formi styrkja sem fælist í umtalsverðum afsláttum til allra starfsmanna bæjarins. Afslátturinn gæti numið 30-40% af fullu verði allrar þeir-

ar þjónustu sem til boða stæði í hinni nýju líkamsræktarstöð. Þá gæti sami afsláttur gilt um leigu og/eða þjónustu sem íþróttafélög bæjarfélagsins kynnu að nýta hjá líkamsræktarstöðinni“, segir Stefán í bréfi til bæjarins.


Stefán segir einnig að þetta sé aðeins ein hugmynd um það hvernig bæjarsjóður gæti

stutt við bakið á fyrirtækinu og segist opin fyrir umræðum og óskar eftir fundi með fulltrúum bæjarsjórnar. Í eftirmála bréfsins vekur Stefán athygli á því að líkamsræktarstöðin hafi lýst yfir áhuga á því að fá aðstöðu í fyrirhugaðri sundlaugarbyggingu og því muni öll hönnun á Sindragöt- unni verða miðuð við það að

auðvelt yrði að nýta húsnæðið í framtíðinni fyrir margvíslega starfsemi s.s. kennslu og þjón- ustu af ýmsu tagi.

Bæjarráð felur bæjarsjóra að ræða við Stefán Dan Óskarrson, um mögulega útfærslu á þeim hugmyndum um sam- starf er settar eru fram í bréfi- nu.

– sigridur@bb.is



## Jólasveinar Grýlusynir

Í Tjörúhúsinu

- 3. sýning lau. 24. nóv. kl. 14.00
- 4. sýning sun. 25. nóv. kl. 14.00
- 5. sýning lau. 1. des. kl. 14.00
- 6. sýning lau. 8. des. kl. 14.00
- 7. sýning sun. 9. des. kl. 14.00
- 8. sýning lau. 15. des. kl. 14.00
- 9. sýning sun. 16. des. kl. 14.00
- 10. sýning fim. 27. des. kl. 17.00

Miðasala sími: 8917025 og á  
www.komedia.is



Kómédíuleikhúsið

## Bærinn leitar lögfræði-álits vegna Wardstúns

Byggingarfulltrúi Ísafjarðarbæjar hefur ákveðið að leita lögfræðiálits fyrir hönd bæjarins vegna þinglýsingar sem gerð var árið 2004, þar sem þinglýst er lóðunum Sindragata 4 og 4a. Íbúar í Sindragötu 4 brugðust fljótt við þegar haft var eftir byggingarfulltrúanum, í tengslum við kvörtun 3X-Technology undan sóðaskap á Wardstúni, að svæðið sem kallað er Wardstún væri samkvæmt skipulagi hluti af einni stórrí lóð, Sindragötu 4. Ómar Ellertsson, einn

íbúanna, kom með afrit til blaðsins af þinglýsingu frá sýslumanni þar sem stendur svart á hvítu að um tvær lóðir sé að ræða, Sindragötu 4 og 4a. Þar af leiðandi hafa eigendur verið að greiða fasteignagjöld af lóð sem þeir ráða ekki yfir.

Íbúar við Sindragötu hafa frá því þeir fluttu inn viljað byggja bílskúra á Wardstúni en til að byrja með var þeim sagt að Ágúst og Flosi ehf. ættu lóðina. Það er ekki fyrr en núna sem þeim er sagt að

lóðin sé í þeirra umsjá en deili- skipulagið geri ekki ráð fyrir bílskúrsbyggingu. Ásgerður Annasdóttir býr í Sindragötu 4. „Okkur fannst við vera að borga nokkuð há gjöld, en gerðum okkur ekki grein fyrir að það væri verið að rukka okkur fyrir þetta opna svæði. Nú höfum við sem sagt útsýni yfir allt draslið hérna, og mér er sagt að í einum tanknum sem standi hér sé olía og í hinum sé bensín“, segir Ásgerður.

– sigridur@bb.is

## Skarphéðinn skólastjóri kvaddur

Skarphéðinn Jónsson, fráfaraandi skólastjóri, lét af störfum við Grunnskólann á Ísafirði á föstudag eftir sex ára starf. Starfsfólk skólans kom saman af því tilefni og kvaddi hann en þann dag var Degi íslenskrar tungu fagnað í skólanum. Skarphéðinn hefur nú tekið við starfi forstöðumanns velferðar- og skólaþjónustu á Álftanesi. Eins og kunnugt er hefur Sveinfríður Olga Veturliðadóttir tekið við stöðu Skarphéðins. Sveinfríður Olga fædd og uppalin á Ísafirði. Hún starfaði áður sem deildarstjóri og aðstoðarskólastjóri í Borgarskóla í Grafarvogi áður en hún hóf störf sem kennari við Grunnskólann á Ísafirði í haust.

## Skiptafundur í þrotabúi G7

Skiptafundur verður í þrotabúi G7 ehf. 8. janúar næstkomandi. Kristinn Bjarnason hæstaréttarlögmaður og skiptastjóri þrotabúsins segir búið sé að auglýsa innköllun til kröfuhafa og að fresturinn til að lýsa yfir kröfum renni út fyrri hlutann í desember. Ekki er ljóst hversu stórt gjaldþrotið var fyrr en að loknum skiptafundinum. Búið er að selja eignir á uppboði sem voru yfirveðsettar.

# Ferðaþjónustuklassi í fæðingu á norðanverðum Vestfjörðum

Ákveðið hefur verið að stofna klasa ferðaþjónustufyrirtækja á norðanverðum Vestfjörðum í kjölfar fundar sem Sigurður Atlason hjá Strandagaldri boðaði til á laugardag í Þróunarsetrinu á Ísafirði. Markmiðið var að fá ferðaþjónustuaðila og aðra sem eru í verslun og þjónustu í sveitarfélögunum þremur við Ísafjarðardjúp til að ræða stofnun sérstaks klasa, samstarfsvettvangs til að treysta undirstöður ferðaþjónustu og verslunar á svæðinu svo að markaðssetning fyrirtækja á Vestfjörðum verði markvissari, og til að efla markaðsritund og menntunarstig innan fyrirtækjanna.

Hugmyndin að stofnun klasans er komin frá Sigurði sem sótti námskeiðið Hagvöxtur á heimaslóð fyrir um tveimur árum, ásamt nokkrum öðrum aðilum sem starfa í ferðaþjónustu á Vestfjörðum. Hagvöxtur á heimaslóð (HH) er þróunarverkefni Útflutningsráðs Íslands, sniðið að þörfum fyrirtækja og hagsmunaaðila í ferðaþjónustu með sérstaka áherslu á hagnýtt gildi fyrir alla þátttakendur. Markmiðið er að efla faglega hæfni í stefnumótun, vörupróun og markaðssetningu með áherslu á samstarf innan og milli svæða. Í framhaldi af því var ráðist í að stofna ferðaþjónustuklasann Arnkötlu 2008 sem er samstarfsvettvangur ferðaþjónustuaðila á Ströndum og í Reykhólasveit, en samgöngur milli þessara

tveggja svæða munu bættast verulega með opnun Arnkötlu-dalsvegur á næsta ári. Um svipað leyti var klasinn Breiðafjarðarfléttan stofnuð, en að henni standa fyrirtæki og þjónustuaðilar við Breiðafjörð.

Þegar ljóst var að ekki stefndi í svipaðan klasa hér á norðanverðum Vestfjörðum ákvað galdramaðurinn góðkunnni að taka það upp á eigin spýtur að beina kröftum fólks saman. En það hangir eitthvað á spýtnni. „Það þarf að fara að vinna að framtíðarstefnumótun fyrir atvinnugreinina á Vestfjörðum og það gengur ekki nema áhuginn komi úr starfsemi sjálfri. Nú þegar búið er að kveikja neistann á þessu svæði geta þessir þrjú klasar unnið saman að þessu stóra og metnaðarfulla verkefni.“

Sigurður segir fundinn hafa heppnast gríðar vel og er ánægður með mætinguna. „Það er mikill hugur í fólki á svæðinu. Mér finnst ánægjulegt að ferðaþjónar sýni þessu áhuga en það er þónokkur samkeppni á svæðinu á vissum sviðum og því sýnir það mikilvægi svona samstarf að fólk er tilbúið að koma saman og ræða hlutina út frá sameiginlegum markmiðum, sem hljóta að vera þau að fá fleiri og ánægðari ferðamenn inn á svæðið,“ segir Sigurður.

Um 20 fyrirtæki sendu fulltrúa og var ákveðið að hittast aftur næstkomandi laugardag kl. 10 til að vinna að verkefnastjórnun og komast að

niðurstöðu um fyrirkomulag klasans. Sigurður segir að lokum: „Ég lagði nú bara fram mína reynslu og þekkingu og rétti kyndilinn áfram. Hann er í formi viskú flösku sem er búin að standa óopnuð í tvö ár, því hún bíður eftir að árangur náist og það voru veitingarnar sem ég lofaði. Arnkatla 2008 færði kyndilinn yfir til ykkar hér við Djúp og þegar við sjáum að eitthvað fer að gerast, einhver mynd kemst á verkefni og tækifæri gefst til munum við opna flöskuna. Ég er bjartsýnn á framtíð ferðaþjónustunnar hér á Vestfjörðum, eftir þennan fund.“

– siguridur@bb.is



Sigurður Atlason með ferðaþjónustufleyginn.



ÍSAFJARÐARBÆR

## Auglýsing um breytingu á aðalskipulagi Ísafjarðar 1989-2009

### Jarðgöng milli Hnífsdals og Bolungarvíkur

Með vísan til 1. mgr. 21. gr. skipulags- og byggingarlaga nr. 73/1997 með síðari breytingum er hér með auglýst tillaga að breyttu aðalskipulagi Ísafjarðar 1989-2009 með áorðnum breytingum. Tillagan tekur til svæðis á norð-vestur mörkum gildandi skipulags. Breytingartillagan tekur til alls þess svæðis sem færsla þjóðvegarins nær til, allt að sveitarfélagsmörkum Ísafjarðarbæjar og Bolungarvíkur. Vestast afmarkast svæðið af óbyggðu svæði en fylgir núverandi þjóðvegi að sunnanverðu að hafnarsvæði Hnífsdalsbryggju. Að norðanverðu liggur skipulagssvæðið að sjó.

Gert er ráð fyrir að þjóðvegur 61 verði settur í um 5.130 m löng göng frá Skarfaskeri að Ósi í Bolungarvík. Gangnamunninn verður staðsettur í um 20 m.y.s. og 200 m norð-vestan við hesthúsabyggðina í Hnífsdal. Núverandi þjóðvegur liggur mjög nálaga íbúðarsvæði og sem mótvægisáðgerð er gert ráð fyrir að færa veginn út fyrir þéttbýlið á um 1 km löngum kafla. Gert er ráð fyrir að nýr vegur liggja meðfram ströndinni, en tengist núverandi vegi við vesturenda hafnarsvæðis austast á skipulagssvæðinu. Við gangnamunnann er gert ráð fyrir haugsvæði fyrir umframefni vegna gangnagerðar allt að 50 þús m<sup>3</sup> á 1,5 ha svæðis norðvestan hesthúsabyggðarinnar. Gert er ráð fyrir að opin svæði til sérstakra nota minnki úr 5 ha. í 3 ha. og nái aðeins að fyrirhuguðu efnistökusvæði.

Breytingartillagan verður til sýnis á bæjarskrifstofum í Stjórnsýsluhúsinu á Ísafirði og á heimasíðu Ísafjarðarbæjar [www.isafjordur.is](http://www.isafjordur.is) frá og með 15. nóvember 2007 til og með 13. desember 2007.

Þeir sem telja sig eiga hagsmuna að gæta er hér með gefinn kostur á að gera athugasemdir við aðalskipulagsbreytingartillöguna. Frestur til að skila inn athugasemdum er til 27. desember 2007. Skriflegum athugasemdum skal skila á bæjarskrifstofu Ísafjarðarbæjar, Stjórnsýsluhúsinu Hafnarstræti 1, Ísafirði.

Þeir sem ekki gera athugasemdir við breytingartillöguna fyrir tilskilinn frest teljast samþykkir henni.

Ísafirði, 8. nóvember 2007.

Jóhann Birkir Helgason, sviðstjóri umhverfissviðs.

## Umferðarlagabrotum fjölga milli ára

Umferðarlagabrotum fjölgaði mikið í október á Vestfjörðum miðað við sama tíma síðastliðin tvö ár. 92 brot voru framin í umdæmi lögreglunnar í síðasta mánuði, 55 í október í fyrra en 30 árið 2005. Ekki var mikil breyting á öðrum brotum milli ára. Ellefu hegningarlagabrot voru framin í síðasta mánuði og er það sami fjöldi og fyrir ári, en árið 2005 voru hegningarlagabrotin 14 talsins. Þrjú fíkniefnabrot voru framin í umdæminu í október, í fyrra voru þau tvö og eitt árið 2005. Tölurnar

eru fengnar úr afbrotatölfræði lögreglunnar fyrir september sem hefur verið birt á vef ríkislögreglustjóra.

Rétt er að geta þess að við samantekt tölulegra upplýsinga eru tilgreind öll brot sem tilkynnt voru lögreglunni að frátöldum þeim sem reynast við nánari athugun ekki vera brot. Hafa ber í huga að eitt atvik getur fallið í sér fleiri en eitt brot. Til dæmis getur maður sem er stöðvaður vegna umferðarlagabrots fengið í sama máli kærur fyrir fíkniefni sem fundust í fórum hans.

# Nýtt íslenskt jólaleikrit frumsýnt á Ísafirði

Kómedíuleikhúsið á Ísafirði frumsýndi Jólasveinar Grýlusyni, nýtt íslenskt jólaleikrit, í Tjörúhúsinu í Neðstakaupstað á laugardag. Leikurinn, sem er einleikur eins og flest verk Kómedíuleikhússins, fjallar um gömlu íslensku jólasveinanna og nútímadreng sem leitar að kúnni Búkollu þegar hann vildi helst vera heima í borginni að spila tölvuleiki. Hann lendir í miklum ævintýrum í hálendinu og kynnist þrettán skrítnum sveinum. Um er að ræða jólasveinana áður en þeir tóku upp

Kóka Kóla jólafötin, eru enn hrekkjöttir og búa hver og einn yfir sérkennum. Mikil tónlist er í sýningunni en allir sveinarnir þrettán taka lagið. Sýningin er uppfull af glettni og húmor og óhætt er að segja að fullorðnir jafnt sem börn hafi gaman af. Jólasveinar Grýlusynir verður á fjölonum í Tjörúhúsinu í Neðstakaupstað á Ísafirði en því hefur verið umbreytt í ævintýraland með jólabrag.

Fjölmarginir vestfirskir listamenn koma að sýningunni. Höfundar leiksins eru þau



Jólasveinar Grýlusynir komu til lífsins í Tjörúhúsinu.

Elfar Loga Hannesson og Soffía Vagnsdóttir. Hönnuður jólasveinanna, sem eru bæði brúður og grímur, er Marsibil G. Kristjánsdóttir og

hannar hún auk þess leikmynd í samstarfi við Kristján Gunnarsson. Leikari er Elfar Logi Hannesson, höfundur tónlistar er Hrólfr Vagnsson, bún-

ingahönnuður er Alda Veiga Sigurðardóttir, ljósahönnuður er Jóhann Daníel Daníelsson og Soffía Vagnsdóttir leikstýrir.

Jólaleikurinn Jólasveinar Grýlusynir verður sýndur allan helgan í nóvember og desember kl.14. Einnig verða sýningar milli jóla og nýárs.



Jólasveinarnir eru afar skrítnir sveinar.

## Selaverkun á smábátahöfninni

Sophus Magnússon, bifreiðastjóri á Ísafirði og Strandamaður var í óða önn að gera að tveimur stórum landselsbrimlum, sem hvor um sig vó hátt á annað hundrað kíló, þegar ljósmyndari blaðsins hitti hann á smábátahöfninni á Ísafirði í síðustu viku. Sophus segist ekki skjóta selina sjálfur, heldur sé hann með selaskyttur á sínum snærum sem skjóti dýrin í Dýrafirði og norður á Ströndum. Aðspurður um hver það væri sem æti selkjöt nú á tímum sushi og skyndibita segir hann vinsældir selaafurða sífellt færast í aukana.

„Ég er að selja veitingastöðum og matreiðslumönnum þetta sem bjóða upp á kjótið í villibráðarveislum og á árshátíðum. Ég úrbeina allt nema hreifana og hausana sem ég sviði og legg í súr en ég hirði skinnin ekki, þau má fólk hirða ef það vill verka þau, en svo á ég stundum spik sem ég



Sophus með tvo selhousa.

salta og verð með nóg af því þegar kemur fram á þorran.“ segir Sophus.

Það má fá marga góða bita af selnum og einn af þeim betri segir Sophus vera dindilinn. „Dindilana sviði ég og súrsa en þeir eru herramanns-

matur. Ég gef þá heiðursmönnum Arnóri Stígssyni frá Horni og Kjartani Sigmundssyni frá Hælavík og þetta heldur þeim ungum og hraustum. Í fyrra varð Arnór átræður og þá vantaði mig gjöf fyrir hann, svo ég gaf honum bara súran

dindil. Ég þekki engan sem sér jafn vel og hann!“ Sophus segist ekki gera þetta fyrir peningana, bæði veiðar og vinnsla séu það tímaflek, heldur til að halda við og er ánægður með endurkomu selsins á veisluborð landans.

## Dómur Héraðsdóms Vestfjarða ómerktur vegna málsmeðferðar

Hæstiréttur hefur ómerkt dóm yfir manni sem hafði í Héraðsdómi Vestfjarða verið dæmdur fyrir að særa blygðunarkennd tveggja stúlkna og vísað dómnum aftur heim í hérað. Hæstiréttur telur að brotin hafi verið regla um milli-liðalaus málsmeðferð þar sem ákærði hafi aldrei komið fyrir þann dómara sem dæmdi hann, þar sem nýr héraðsdómari tók við málinu í miðjum klíðum vegna veikindaleyfis upprunalegs dómara. Aðalmeðferð fór fram í málinu í Héraðsdómi Vestfjarða í janúar í fyrra. Stúlkurnar tvær, sakborningur og vitni í málinu höfðu öll komið fyrir dómara

þegar hann veiktist.

Nýr dómari tók þá við málinu og boðaði til nýrrar aðalmeðferðar. Ákærði mótmælti því og gerði kröfu um að aðalmeðferð og skýrslutaka í málinu skyldi ekki fara fram að nýju. Þegar héraðsdómari mótmælti því ákvað ákærði að áfrýja málinu til Hæstiréttar sem taldi að ekki yrði hjá því komist að ómerkja dóm héraðsdóms og leggja fyrir héraðsdómara að taka málið til löglegrar meðferðar og dómsálagningar á ný.

Í dómi héraðsdóms kemur fram að hinn ákærði hefði ruðst drukkinn inn á heimili að nóttu til og ætlað að ná til

kunningjakonu sinnar. Hún hefði falið sig fyrir manninum en hann hefði þá farið inn í herbergi dóttur hennar sem þá var 15 ára og þuklað á henni. Hafði konan þá farið dóttur sinni til aðstoðar en síðan falið sig að nýju. Síðar hefði hún heyrt til ákærða inni í herbergi yngri dóttur sinnar sem var 9 ára, og hún því farið þangað og komið að ákærða þar sem hann var að færa stúlkuna úr nærbuxunum. Tekist hefði að ná stúlkunni frá ákærða og þær mæðgur allar því næst læst sig inni í einu herbergja hússins. Ákærði hefði þá komið og barið á dyrnar, hrópað ókvæðisorð og haft í hótunum

við konuna. Þá hefði hann einnig sótt sér verkfæri og reynt að opna hurðina.

Ákærði kannaðist við að hafa komið nótt eina sumarið 2002 ölváður á heimili konunnar og dætra hennar. Hann neitaði því hins vegar að tilgangur heimsóknar hans hefði verið af kynferðislegum toga og vísaði því jafnframt alfarið á bug að hann hefði ætlað eða gert tilraun til að vinna dætrum hennar mein á nokkurn hátt.

Héraðsdómur dæmdi manninn í sex mánaða fangelsi en fresta skildi fullnustu refsingarinnar og hún falla niður að liðnum tveimur árum.

– thelma@bb.is



HÁSKÓLASETUR VESTFJARÐA  
UNIVERSITY CENTRE OF THE WEST FJORDS

### Verkefnastjóri

Háskóla Vestfjarða leitar að skipulögðum verkefnastjóra í fullt starf. Verkefnastjórinn hefur umsjón með fjölda verkefna á vegum Háskólasetursins. Hann mun vinna í litlum starfshópi og þarf að geta unnið sjálfstætt. Í boði er spennandi starf í litlu en framsæknu háskóla- og rannsóknarumhverfi á Ísafirði.

#### Starfssvið

Skipulagning námskeiða í samstarfi við aðra starfsmenn Háskólaseturs  
Önnur tilfallandi verkefni

#### Menntunar- og hæfniskröfur

Menntun sem nýtist í starfi, meistaragráða æskileg  
Reynsla af verkefnastjórnun æskileg  
Þjónustulund og hæfni í mannlegum samskiptum  
Góð kunnátta í íslensku og ensku og Norðurlandamáli

Háskóla Vestfjarða er ung stofnun á háskólastigi. Hún hefur það að markmiði að veita fjarnemum á Vestfjörðum fyrirtaksþjónustu, vinnur með rannsóknarstofnunum á svæðinu og býður upp á námskeið í samvinnu við innlenda og erlenda háskóla. Háskóla Vestfjarða er staðsett á Ísafirði.

#### Upplýsingar um starfið

veitir Peter Weiss, forstöðumaður, í síma 450 3045 eða weiss@hsvest.is  
Umsóknir sendist sem viðhengi á weiss@hsvest.is eða í bréfpósti (sjá heimilisfang hér að neðan).

#### Umsóknarfrestur

er til og með 30. nóvember 2007.

Suðurgata 12 • 400 Ísafjörður



30%  
afsláttur

1.439 kr/kg  
Verð áður 2.063 kr/kg

Nautasnitsei úr kjötborði\*

# Úrval af helgartilboðum

Fjöldi annarra girnilegra tilboða sem gilda 22. nóv. - 25. nóv.



**GODI**

**1.299** kr/kg  
Verð áður 1.744 kr/kg

**25%**  
afsláttur

Londonlamb



**489** kr/kg  
Verð áður 699 kr/kg

**30%**  
afsláttur


Kjúklingalæri með legg



**1.828** kr/kg  
Verð áður 2.438 kr/kg

**25%**  
afsláttur

Nauta-  
helgarsteik



**209** kr  
Verð áður 287 kr

Örbylgjupopp  
6 í pakka



**89** kr  
Verð áður 124 kr

Maltöl 0,5 l



**139** kr  
Verð áður 199 kr

Capri-Sonne  
Safari,  
appelsínu  
og epla



**629** kr/pkn

Coca Cola  
kippa 4x2



**319** kr  
Verð áður 506 kr

Rülluterta brún



**119** kr/stk  
Verð áður 239 kr/stk

Ananas

**219** kr/kg  
Verð áður 449 kr/kg

Blómkál  
erlent

**Samkaup** **úrval**

## Álagningarstuðlar fasteignagjalda óbreyttir

Bæjarráð Ísafjarðarbæjar fór yfir vinnuferil við gerð fjárhagsáætlunar ársins 2008 á fundi í fyrradag. Þar var einnig farið yfir tekjustofna fjárhagsáætlun 2008 svo sem fasteignagjöld og þjónustugjaldskrár. Bæjarráð leggur til við bæjarstjórn að miðað verði við 13,03 % útsvar og óbreytta álagningastuðla í fasteignagjöldum að svo stöddu. Álagningastuðlar fasteignagjalda verða teknir til endurskoðunar þegar fasteignamat liggur fyrir. Almennt hækka gjaldskrár um 4,5 %, sem er áætluð vísitöluhækkun á árinu 2007. Undantekningar eru dagvistagjöld leikskóla, þar sem sérstök tillaga mun koma fram, sem og hluti hafnargjalda og gjaldskrá vinnuskóla, þar sem einnig munu koma fram sérstakar tillögur.



### Ritstjórnargrein

## Af litlu fræi

„Menningin vex í lundri nýrra skóga“. Svo mikið er víst að þótt ekki fari mikið fyrir stórum og miklum skógum á Vestfjörðum þá hefur framtíðarsýn skáldsins, þingmannsins og ráðherrans, Hannesar Hafstein, sem hann setti fram í ljóði sínu „Aldamótin“, náð að dafna í skjóli hinna vestfirsku fjalla.

Nær hálf önnur öld er liðin síðan vitað er með vissu að leik-sýningar hafi farið fram á Ísafirði. Nákvæm tímasetning slíks viðburðar er þó ekki fyrir en tveimur áratugum síðar eða veturinn 1879, þegar Útilegumenn Matthíasar Jochumssonar voru sviðsettir í pakkhúsi Ásgeirsverslunar. Því er vel til fundið að fjörotú og tveimur árum eftir stofnun Litla leikklúbbsins, skuli þetta klassíska, íslenska leikverk vera eina ferðina enn á fjölnum og þá í tilefni þess að LL er kominn í hús; hefur eignast samastað, nokkuð sem þá fáu einstaklinga sem tóku höndum saman um stofnun leikklúbbsins, hefur dreymt um alla tíð. Og ekki spillir fyrir að líkt og forðum má orða það svo, að leiksýningin fari fram í „pakkhúsi“, þegar litið er yfir sögu Edinborgarhússins, sem fjöldi framsýnna einstaklinga og félaga hófu upp úr niðurníðslu til vegs og virðingar í bæjarfélaginu. Framtak sem aldrei verður metið að verðleikum.

Ekki er ætlunin að rekja hér sögu Litla leikklúbbsins né geta þeirra er þar hafa staðið í fylkingarbrjósti, eða þeirra fjölmörgu er þar hafa lagt hönd á plóg með einum eða öðrum hætti; því síður tilgreina leikverkin, stór og smá, sem tekin hafa verið til sýninga. Hætt er við að slík umfjöllun yrði gloppótt og því verr farið en heima setið. Þó skal fallið í þá freistni að geta tveggja verka, sem tengjast LL sérstaklega. Leikritið *Úr aldaannál*, eftir Böðvar Guðmundsson, sem framsýnt var í apríl 1982, var samið sérstaklega fyrir LL og Ísafirðingurinn Jón Steinar Ragnarsson, tileinkaði „Litla leikklúbbum og öllum þeim sem hafa starfað, starfa og munu starfa við að halda týrunni í þessari litlu kolu menningarlífs um skammdegismyrkur hins daglega brauðstrits“, leikrit sitt, *Hjálparsveitina*.

Ástæða er til að fagna því að Litli leikklúbburinn skuli nú loks vera „kominn heim“ eins og formaður hans hefur orðað það. Ástæða er líka til þess að brýna bæjaryfirvöld og aðra er hugsanlega geta komið að verki að ljúka endurgerð Edinborgarhússins, sem ekki leikur vafi á að verður ein af þeim byggingum Ísafjarðarbæjar sem ferðamenn framtíðarinnar munu staldra hvað oftast við.

Fjögurra áratuga starf Litla leikklúbbsins hefur fært okkur heim sanninn um hið fornkefna að oft vex stórt tré upp af litlu fræi. — s.h.

### Á þessum degi fyrir 30 árum

## „Hefði getað farið illa ef pabbi hefði ekki losnað“

„Það hefði getað farið illa ef pabbi hefði ekki losnað, en hann átti erfitt með að grafa sig upp úr snjóskriðunni og ég lá meðvitundarlaus á tveggja metra dýpi í hrúgunni“, sagði Heimir Þorsteinsson, 11 ára drengur á Stöðvarfirði, þegar Morgunblaðið ræddi við hann, en sl. sunnudag urðu þeir feðgar fyrir snjóflóði skammt frá Stöðvarfirði og lá Heimir í tvær klukkustundir á kafi í snjónum áður en hann fannst. Var hann orðinn mjög kaldur þegar hann fannst og var farinn að fá einkenni súrefnisskorts. Var hann fluttur til Fáskrúðsfjarðar ásamt lækni plássins, en heim fékk hann að fara í gær og var hinn hressasti þegar Morgunblaðið ræddi við hann.

Þorsteini föður hans sagðist svo frá í samtali við Mbl. „Við vorum að fara yfir gil um 1 ½ km frá bænum Stöð í Stöðvarfirði og fórum við þar upp með gilbarmi að stað þar sem við ætluðum síðan yfir gilið. Þegar við vorum að komast upp úr gilinu á brúnina hinum megin lentum við á svellbunka sem við reyndum að krækja fyrir með því að fara upp með kletti sem þarna er. Þegar við vorum að komast upp brúnina kom snjóhengja á móti okkur, en hún hefur losnað við tilraunir okkar til að komast upp á brúnina.“

## Blómlegt kórastarf á Ísafirði

Fjöldi kórfélaga í barna- og unglingakór Tónlistaskóla Ísafjarðar hefur tvöfaldast síðan í haust og telur nú 50 manns. Kvennakórinn Vestfirskar valkyrjur sem tók til starfa um svipað leiti hefur líka eflst og eru kórfélagarnir

30 talsins. „Mikið og blómlegt kórastarf er á Ísafirði sem er mjög ánægjulegt“, segir Bjarney Ingibjörg Gunnlaugsdóttir, kórstjóri kóranna beggja. Mikið verður að gera hjá kórnum á adventunni og má þar fyrst nefna jólatónleika kvenna-

kórsins sem haldnir verða í Ísafjardarkirkju 5. desember. Yfirskrift tónleikanna er Jólalög frá ýmsum löndum og verður boðið upp á fjölbreytta jóladagskrá.

Auk Vestfirsku valkyrjanna mun barna- og unglingakórinn

koma fram, einsöngvarinn Hrund Ósk Árnadóttir, Hrólfur Vagnsson mun spila undir á píanó og Iris Kramer leikur á trompet. Einnig munu kórarnir tveir taka þátt í tendrun ljósa á jólatrjám í nágrenna- byggðum Ísafjarðar.

## Mugison frestar Evróputúr

Tónlistarmaðurinn Mugison hefur frestað tónleikaferð sinni um Evrópu sem hann ætlaði að hefja í síðustu viku. „Ég er búinn að færa tónleikana aftur í febrúar því ég vil að þeir haldist betur í hendur við útgáfumálin“, segir Örn Elías Guðmundsson, tónlistarmaðurinn Mugison, sem nýlega gaf út plötuna Mugiboogie. Margir dreifingaraðilar hafa sýnt honum áhuga að undanförunu og vill Mugison negla þau mál niður áður en lagt er af stað í tónleikaferðina. Eru samningaviðræður þegar komnar á skrið hjá aðilum í Bretlandi, Frakklandi, Skandinavíu, Japan og í austantjaldslöndunum. Mugiboogie er í efsta sæti á vinsældalistum Skífunnar og Eymundssonar og segist Mugison vera afar þakklátur fyrir viðtökurnar. „Þetta er langt framar mínum björtustu vonum. Maður var mjög spenntur að sjá hvernig fólk tæki þessari breytingu hjá mér og ég er ekki búinn að fá að heyra neitt nema gott. Það er líka magnað hvað þetta er vinsælt af öllum kynslóðum, allt frá þrettán ára gítarguttum í stuðstrompa á elliheimilum sem hafa verið að banka í mann.“

Mugison spilaði nýverið á nokkrum tónleikum víða um landið og tókust þeir vel. „Það var hrikalega gaman, sérstaklega fyrir vestan og á Akureyri. Vonandi verður framhald af því í desember og við stefnum þá að því að fara á Austfirði og í minni bæi sem við komumst ekki í,“ sagði Mugison í samtali við visir.is.



Frá útgáfutónleikum Mugison í Edinborgarhúsinu.

## Styrktarsjóður TÍ fagnar 25 ára afmæli

Styrktarsjóður Tónlistarskóla Ísafjarðar fagnaði 25 ára afmæli í gær. „Af tilefni afmælisins ákvað sjóðurinn að færa TÍ að gjöf skjávarpa, DVD spilara og hljóðupptökutæki eða svokallað ferðastúdíó. Fyrir hönd styrktarsjóðsins Guðrún Karlsdóttir, Linda Jónsdóttir og Jónína Guðjónsdóttir“, segir í tilkynningu.

Upphaf styrktarsjóðsins var að árið 1982 komu tíu konur saman að áskorun Ragnars H.

Ragnar, fyrrum skólastjóra TÍ, og stofnuðu styrktarsjóð húsbýggingar Tónlistarskólans. Þegar skólanum hafði svo verið úthlutað húsnæði í Húsmæðraskólanum Óske einbeitti styrktarsjóðurinn sér að því að styrkja skólann varðandi tækja- og húsbúnað.

Fjáröflun styrktarsjóðsins hefur lagt sitt mark á bæjarlífið á Ísafirði og má þar nefna að í aldarfjórðung hefur styrktarsjóðurinn haldið torgsölu á Silfurtorgi á adventunni. Upp-

haflega fyrirmyndin að torgsölu var jólamarkaður eins og best gerist í stórborgum Þýskalands með ilmi af glöggi og piparkökum, en ísfirski torgsalan hefur þróast með árunum og öðlast sín séreinkenni með kakói og lummum, og ekki síst laufabraudinu sívinsæla sem gæðir markaðinn þjóðlegum blæ.

Torgsalan hefur jafnan verið sjóðnum drjúg tekjulind enda hafa þeir fjármunir sem safnast hafa í sjóðinn skipt

sköpum í uppbyggingu og velferð Tónlistarskóla Ísafjarðar. Á laugardag er einmitt komið að laufabrauðsgerð í mótuneyti Menntaskólans á Ísafirði og er áætlað að hafist verða handa um kl. 10. Í árafjöld hafa velunnarar skólans komið saman og bakað laufabrauð sem boðin verða á árlegri jólatorgsölu á Silfurtorgi. Jafnt ungir sem aldnir keppast þá við að skera út en oftast er það reynd sveit styrktarsjóðskvanna sem sér um steikinguna.

Útgefandi: H-prent ehf., kt. 600690-1169, Sólögúta 9, 400 Ísafjörður, sími 456 4560, fax 456 4564  
Ritstjóri: Sigurjón J. Sigurðsson, sími 892 5362, [bb@bb.is](mailto:bb@bb.is) · Blaðamenn: Thelma Hjaltadóttir, símar 456 4693 og 849 8699, [thelma@bb.is](mailto:thelma@bb.is) · Sigríður Gísladóttir, símar 456 4694 og 697 8797, [sigridur@bb.is](mailto:sigridur@bb.is) og Smári Karlsson, sími 866 7604, [smari@bb.is](mailto:smari@bb.is). Ritstjóri netútgáfu [bb.is](mailto:bb.is): Sigurjón J. Sigurðsson · Ljósmyndari: Halldór Sveinbjörnsson, sími 894 6125, [halldor@bb.is](mailto:halldor@bb.is). Ábyrgðarmenn: Sigurjón J. Sigurðsson og Halldór Sveinbjörnsson · Lausasöluverð er kr. 300 eintakið með vsk. Veittur er afsláttur til elli- og örorkulífeyrisþega. Einnig sé greitt með greiðslukorti. · Önnur útgáfa: Ferðablaðið Á ferð um Vestfirði. · ISSN 1670 - 021X



HÁSKÓLASETUR VESTFJARÐA  
UNIVERSITY CENTRE OF THE WEST FJORDS

## FRUMGREINANÁM VIÐ HÁSKÓLASETUR VESTFJARÐA

### Frumgreinanám við Háskólaasetur Vestfjarða er:

- Staðnám og fjarnám
- Góður undirbúningur fyrir háskólanám
- Lánshæft við LÍN
- Kennt í samstarfi við Háskólann í Reykjavík

### Fyrir hverja?

Frumgreinanám er góður kostur fyrir þá sem hyggja á háskólanám en hafa ekki lokið stúdentsprófi, eru 25 ára eða eldri og hafa t.d. iðnmenntun eða umtalsverða starfsreynslu.

### Af hverju frumgreinanám?

Þeir sem ljúka frumgreinaprófi eiga góða möguleika á að komast í nám í háskólum á Íslandi þar sem um er að ræða góðan almennan undirbúning að háskólanámi.

### Hvar?

Frumgreinanám verður í boði í staðnámi á Ísafirði og í fjarnámi á öðrum stöðum á Vestfjörðum.

### Umsóknarfrestur:

30. nóvember.

### Upplýsingar:

Allar nánari upplýsingar má finna á vefsíðu Háskólaaseturs [www.hsvest.is](http://www.hsvest.is) og hjá Mörthu Lilju í síma 450-3041 eða [marthalilja@hsvest.is](mailto:marthalilja@hsvest.is)



HÁSKÓLINN Í REYKJAVÍK  
REYKJAVÍK UNIVERSITY

## Jólahlaðborð haldin í Edinborgarhúsinu

Kaffi Edinborg hefur bæst í hóp þeirra staða sem halda jólahlaðborð á Ísafirði í ár. Fyrsta jólahlaðborðið fer fram 1. desember. Að sögn Þóris Traustasonar, rekstrarstjóra, verður boðið upp á dinner tónlist og jólastemningu. Meðal rétta á hlaðborði má finna hreindýrapaté, jólasíld, purusteik, ris almand og hindberjasósu og að sjálfsögðu hangikjöt og laufabrauð. Jólahlaðborðin verða fjögur talsins í Edinborgarhúsinu: Fjölskylduhlaðborð verður haldið fimmtudaginn 6. desember, hefðbundið jólahlaðborð 15. desember og svo er aftur fjölskylduhlaðborð 20. desember.

## Vestfirðir opna nýja vefsíðu

Á föstudag var tekinn í gagnid nýr vefur Vesturferða á Ísafirði. Vefurinn er myndrænni en sá gamli og vonandi auðveldari í notkun, segir í tilkynningu frá Vesturferðum. A nýja vefnum hefur efninu verið skipt í þrennt og finna má upplýsingar um fyrirtækið, upplýsingar um ferðir Vesturferða og þjónustu og ýmskonar samtíning um Vestfirði sem kemur ferðafólki að notum. Sérstök athygli er vakin á nýjum kafla sem heitir „Innanhúss“ en þar munum með tímanum koma inn efni sem samstarfsaðilum Vesturferða kemur að góðu gagni.

## Háskóla- setrið í útrás

Háskólasetur Vestfjarða hefur verið í alþjóðlegu samstarfi við nokkra háskóla víða um heim og bætti nýlega í tengslanet sitt James Cook háskólanum í Norður-Ástralíu. Lektor fjölmiðla-deildar og skapandi skrifa við háskólann, Lindsay Simpson, var á Ísafirði á dögunum, en hún hefur verið á ferð um Evrópu og Bandaríkin með það að markmiði að mynda samstarfsnet við skóla sem þykja skara fram úr á þessum sviðum. Peter Weiss, forstöðumaður Háskólaseturs Vestfjarða, frétti af ferðum Lindsay og hafði samband við hana með samstarf í huga. Hann segir að þetta sé liður í því að koma Háskólasetri Vestfjarða á kortið og ekki síður að undirbúa jarðveginn fyrir stofnun háskóla.

„Háskólasetrið verður með samstarf við James Cook háskóla, fyrir meistaranemendur í fjölmiðlun og skapandi skrífum, á þann veg að við munum bjóða upp á eitt námskeið fyrir nemendur sem ætla að ljúka meistaraáráðu hjá James Cook háskólanum. Þau deila til okkar nemendum utan úr heimi en við munum líklega útvega fyrirlesara sjálf og búa til námskeiðið út frá okkar forsendum. T.d. með tilvísun í sagnaritunarhefð Íslendinga, Gísla sögu

eða þess háttar.“

Einn helsta kostinn við þetta samstarf segir Peter vera auðveldun á auglýsingamálum fyrir þau, þ.e.a.s. á alþjóða vísu. „Um leið vona ég að við getum sýnt fram á að við náum til námsmanna og að við hyggjumst ekki einskorða okkur við vestfirski námsmenn, eins og andstæðingar sjálfstæðs háskóla á Vestfjörðum hafa notað sem rök. Við erum nú þegar komin í samstarf við bandaríska háskóla meðal annars og höfum verið dugleg að fá til okkar nemendur í sumarskóla og svokallaða „field schools“. Við verðum að hugsa út fyrir fjórðunginn og jafnvel landsteinana, og það hefur eiginlega gengið betur að fá erlenda nemendur hingað en íslenska,“ segir Peter.

Háskólar á landsbyggðinni hafa verið iðnir við að byggja upp alþjóðlegt samstarf. Peter segir í því samhengi að það sé nákvæmlega það sem sjálfstæður háskóli á Vestfjörðum myndi gera. „Á Bifröst eru þeir í samstarfi við háskóla í Kína og stunda námsmannaskipti, á Hólum í Hjaltadal er mikið samstarf við háskólann í Guelph í Kanada og háskóla í Frakklandi. Fyrst menn geta verið með sjálfstæða háskóla í hraunum og afdölum hljótum við að geta það líka, í okkar fína miðbæ.“



Endurreisa á Félagsheimilið í Bolungarvík sem menningarmiðstöð Bolvíkinga.

## Hundrað milljónir þarf til endurbóta á Félagsheimili Bolungarvíkur

Áætluð lánsþörf vegna framkvæmda við endurbætur á Félagsheimilinu í Bolungarvík er um 100 milljónir króna á næsta ári. Sveitarfélagið stefnir að því að nota 30 milljónir króna af handbæru fé í verkið og að 30 milljóna króna verði aflað með öðrum hætti. Bæjarráð Bolungarvíkur hefur samþykkt að fjárheimildir fyrir árið 2007 verði auknar um allt að 5 milljónir króna og í fjárhagsáætlun ársins 2008 verði horft til niðurstöðu væntanlegs útboðs en tilboð verða opnuð 4. desember. Lánsþörfin er áætluð með eftirfarandi hætti: 30 milljónir króna 1. febrúar, 40 milljónir króna 1. júní og 30. milljónir króna 1. nóvember 2008. Við-

ræður standa yfir við Lánasjóð sveitarfélaga um fjármögnun og verður erindi þess efnis rætt á næsta fundi sjóðsins þann 26. nóvember. Kostnaður þessa árs er áætlaður 5 milljónir króna þar af 3,5 milljón krónur í niðurrif samkvæmt tilboði.

Einnig samþykkti bæjarráð að skipuð verði byggingarstjórn sem taki við af félagsheimilisnefnd sem annaðist undirbúninginn að framkvæmdunum. Byggingastjórn mun verða ráðgefandi fyrir hönd bæjaryfirvalda en ekki koma að framkvæmdinni með beinum hætti. Byggingarstjórn á að tryggja að markmiðin um endurgerð og viðbyggingu hússins gangi eftir og hugmynd-

ir um nýtingu hússins verði að veruleika. Bæjarstjóri mun annast öll tengsl við verktaka og aðra sem annast framkvæmdina. Byggingarstjórn skal gera tillögur um þann búnað sem þarf til rekstrarins og ekki verða hluti af tilboðum. Stjórnin mun veita aðhald með því að funda reglulega og geti kallað til bæjarstjóra, byggingarstjóra eða eftirlit til að fá upplýsingar um stöðu og framgang mála.

Byggingarstjórn skal leggja sig í framkróka við að kynna framkvæmdina út á við og þann staðfasta vilja heimanna að endurreisa félagsheimilið sem menningarmiðstöð Bolungarvíkur. Auk þess á hún að vinna tillögur fyrir

bæjarstjórn að rekstrarformi hússins og þann ramma sem starfsemin á að vinna eftir. Hlutverki byggingarstjórnar lýkur þegar framkvæmd er lokið og þá taka bæjaryfirvöld við til rekstur félagsheimilisins í því formi sem bæjarstjórn ákveður.

Þá verður ráðinn byggingastjóri sem mun hafa yfirumsjón með framkvæmdinni. Til liðs við hann verður ráðinn aðili í daglegt eftirlit. Byggingastjóri ræður verktaka og sér um gerð samninga í samráði við byggingastjórn. Áhaldhús Bolungarvíkurkaupstaðar mun taka alla muni og búnað sem ganga þarf frá í vörslu. Þeir munu einnig sjá um flokkun og förgun á því sem þarf.

### STAKKUR SKRIFAR

## Opinberir starfsmenn skutla

Athygli vekur að Skutull er endurfæddur. Málagn Alþýðuflokksins var stundum beitt. Því var beitt í pólitísku skyni. Engin tilraun var gerð til að fela þá staðreynd. Margt þótti vel skrifað. Lesendum líkaði þó misjafnlega. Sjálfsgagt höfðu stjórnsmálaskoðanir þar áhrif. Síðustu árin hefur Skutull komið út 1. maí ár hvert. Baráttudagur verkalýðsins hefur nýst vel. Auglýsingar hafa verið margar. Blaðið hefur væntanlega gert betur en að standa undir sér. Gísli heitinn Hjartarson bar hitann og þungan af Skutli hinum fyrra. Blessuð sé minning hans.

Nú ber nýrra við. Skutull hefur öðlast nýtt líf í netheimum. Guðmóðir hans nú var Ingibjörg Sólrún Gísladóttir utanríkisráðherra og formaður Samfylkingarinnar. Málefni Skutuls hafa þegar verið borin fram á bæjarstjórnarfundum. Fulltrúar Í-listans gerðu það. Ef ekki væri annað vitað mætti halda að jafnrétti og bræðralag réði gerðum. Peningatönninn var þó auðheyrilega sleginn.

Í „netSkutli“ má lesa að von sé fleiri opinberra starfa vestur. Innheimtustofnun sveitarfélaga mun ætlað að flytja vestur átta störf. Öll störf eru vel þegin, líka frá hinu opinbera. Hver er staða þeirra sem enn stunda aðra atvinnu en hið opinbera veitir hér vestra? Hvern hlut ætlar Skutull nýi sér á fjölmiðlamarkaði? Athyglisverð er nálgun Í-listans á vettvangi bæjarstjórnar.

Fyrrum var líf í blaðaútgáfu á Ísafirði. Málagn stjórnmálaflokkanna komu þokkalega oft út. Hart var deilt og skot gengu á víxl. Nú sjást málagnin við háttföleg tækifæri. Lengi komu út tvö fréttablöð. Þau voru óháð stjórnmálaflokkum. Vestfirski fréttablaðið gekk á fund feðra sinna. Blessuð sé minning þess. Um nokkurt skeið hefur Bæjarins besta eitt séð dagsins ljós. BB hefur flutt fréttir, verið vettvangur greinaskrifa og auglýsinga. BB er óháð fréttablað. Það hefur staðið af sér gagnrýni bæjarstjórnar á Ísafirði. Stundum hefur hún sent því tóninn.

Bæjarins besta nýtur ekki styrkja. Þar starfar fólk sem hefur af því atvinnu sína og framfæri. Nú virðist Í-listinn vega að því. Til hvers? Væntanlega til þess að fá tekjur úr sjóði íbúa sveitarfélagsins Ísafjarðarbæjar. Hann er sameign íbúanna. Fróðlegt er að sjá hvernig áhöfn Skutuls er skipuð. Þar ber hæst opinbera og hálfopinbera starfsmenn, sem þiggja laun sín frá ríkinu. Er lítið að gera í vinnunni? Svo var oft sagt um starfsmenn hins opinbera. Lögreglumaður og starfsmaður háskóla fara fyrir.

Opinber störf eru vel þegin á Vestfirði. Þeim hlýtur að vera ætlað að lyfta undir þá atvinnu sem fyrir er og byggja undir sameiginlega tilveru fólks á Vestfjörðum.


Þá er vel farið.

**Stakkur** hefur ritað vikulega pistla í **Bæjarins besta** í mörg ár. Skoðanir hans á mönnum og málefnum hafa oft verið umdeildar og vakið umræður. Þær þurfa alls ekki að fara saman við skoðanir útgefenda blaðsins. Þrátt fyrir það bera ábyrgðarmenn blaðsins ábyrgð á skrifum **Stakks** á meðan hann notar dulnefni sitt.



## Stóð ekki skil á meðlagsgreiðslum

Héraðsdómur Vestfjarða hefur dæmt karlmann í 30 daga skilorðsbundið fangelsi fyrir að hafa, sem stjórnarmaður í einkahlutafélagi, ekki staðið skil fyrir hönd félagsins, á tæplega 80.000 krónum af meðlagsgreiðslum tveggja starfsmanna félagsins. Ákærði játaði sök en honum var gert að hafa á tímabilinu apríl 2006 til nóvember sama ár, dregið samtals 77.128 kr. í meðlag starfsmanna sem félagið tók í fimm skipti að kröfu Innheimtustofnunar sveitarfélaga. Samkvæmt almennum hegningarlögum varðar brot af þessu tagi fangelsi allt að sex árum. Við ákvörðun refsingar var það ákærða til málsbóta að hann greiddi persónulega þær fjárhæðir sem um ræðir ásamt vöxtum og kostnaði. Einnig játaði hann brot sitt skýlaust fyrir dómi og hefur ekki áður sætt refsingum.



Frá Garðstöðum í Ögurhreppi í Ísafjarðardjúpi. Ljósni: Anton Helgason.

## Sættir í sjónmáli í Garðstaðamálinu

Ómar Már Jónsson, sveitarstjóri Súðavíkurhrepps vonast til að sátt náist um mál Garðstaða í Ögurhreppi sem styr hefur staðið milli hreppsins og Þorbjörns Steingrímssonar ábúanda á Garðstöðum um hreinsun á bæjarstaðinu. Ómar Már hefur fundað með Þorbirni og eru þeir orðnir sammála um meginatriði málsins þ.e. að hreinsun á Garðstöðum skuli vera lokið eigi síðar en 1. nóvember á næsta ári. „Sveitarstjórn Súðavíkurhrepps hefur frá upphafi málsins, eða frá seinni hluta árs 2005 leitast eftir að hreinsun á Garðstöðum sé í sátt og samlyndi við umráðamann Garðstaða við umráðamann Garðstaða og jafnframt boðist til að aðstoða við að gera honum mögulegt að reka bílapartasölu á Garðstöðum. Til að það

sé hægt þarf að uppfylla ákveðin skilyrði, samkvæmt þeim lögum og reglugerðum sem um bílapartasölu fjalla,“ segir Ómar Már.

Heilbrigðiseftirlit Vestfjarða framkvæmdi talningu á Garðstöðum í maí síðastliðnum og í skýrslu um talninguna kemur m.a. fram að bannað er að skilja eftir, flytja, dreifa eða geyma úrgang á þann hátt að valdið geti skaða eða mengun á umhverfinu. Þetta gildi jafnt um smærri sem stærri hluti svo sem númerlausar bifreiðar og bíllök. Ekki er heimilt að grafa brotjárn nema hafa til þess starfsleyfi frá Umhverfisstofnun, því þarf að flytja brotjárn burt og koma í viðeigandi förgun eða endurvinnslu. Í talningunni töldust vera 511 -518

bílar á svæðinu. Bílarnir voru taldir á tvennan hátt, annars vegar með beinni talningu og hins vegar var talið á myndum sem teknar voru úr hlíðinni fyrir ofan safnið. Lægri tala fékkst þegar talið var á myndum.

Ómar Már segir að mikilvægt sé að gera sér grein fyrir að hér er ekki um neitt einelti að ræða né óvild í garð einstaklinga. „Við buðum Þorbirni þá leið að svæðið yrði skilgreint sem athafna- og iðnaðarsvæði en það gerist ekki nema að stærstur hluti bílanna og bílapartar og annað brotjárn sé fjarlægð. Ef þú ætlar að setja á stofn varahlutaverslun eða dekkjaverkstæði eða álíka þarf miklar úttektir á mengunaráhreifum, það þarf að skipta um jarðveg í kringum

svæðið því þungmálmamengun getur verið mikil af slíkri starfsemi og það gefur augaleið að það er ekki hægt að láta það viðgangast að haugar af dekkjum og bílapörtum liggja á túnunum og mögulega er hætt á að mengun berist í ána, enda hallar undan landi Garðstaða niður að á. Það má ætla að á Garðstöðum sé um 500 tonn af bílaúrgangi, þar af 150 tonn af dekkjum og drasli sem nýtist engum nema þá hugsanlega til endurvinnslu,“ segir Ómar og bætir við að það geti verið að það hjálpi til í lausn málsins að verð á brotjárninu sé hátt nú um þessar mundir.

„Samstaða Djúpmanna í að styðja við umráðamann Garðstaða í þessu máli kemur mér ekki á óvart, enda hafa íbúar í

dreifbýli Súðavíkurhrepps ætíð staðið saman sem einn í máli um sem þeir telja að verið sé að vinna gegn þeim og í þessu máli vilja þeir að bílapartasala verði áfram á Garðstöðum. Við vinnum að því að svo megi verða, en til þess þarf að gera samkomulag um lausn á málinu, sem felst í samningi þar sem samið er um að fækka bílum á Garðstöðum úr 520 niður í 60 og farga öðru brotjárninu fyrir 1. nóvember 2008. Þegar því er lokið er mögulegt að setja upp löggilta bílapartasölu og munum við gera það sem í okkar valdi stendur svo það geti orðið.“ sagði Ómar Már Jónsson sveitarstjóri.

## Forsalan gengur vel

Ágætur gangur er í forsölu aðgöngumiða á tónleika Dúndurfrétta sem haldnir verða í íþróttahúsinu Torfnesi 28. desember næstkomandi. Að sögn Gríms Atlasonar, tónleikahaldara, er um þriðjungur miðanna seldur og þykir honum það nokkuð gott, miðað við fyrri reynslu sína af forsölu miða á tónleika hér fyrir vestan. Dagsetningin á tónleikumum gæti hrellt fólk sem óttast aflýsingar á flugi vestur en Grímur segir það ástæðulausar áhyggjur, þessir piltar séu vanir rútuferðalögum og þá muni ekki um að hoppa upp í bíl ef í hart fer.

Hljómsveitin Dúndurfréttir er þekkt fyrir hreint magnaða tónleika og túlkun á meistaraverkum rokk-sögunnar. Flutningur þeirra á rómuðum verkum Pink Floyd, Deep Purple, Uriah Heep og Led Zeppelin þykir hreint magnaður. Hljómsveitina skipa þeir Matthías Matthíasson, söngur og gítar, Pétur Örn Guðmundsson, söngur og hljómborð, Ólafur Hólm Einarsson, trommur, Ingimundur Óskarsson, bassi og Einar Þór Jóhannsson, gítar.

Tónleikarnir hefjast kl. 21, eingöngu er selt í sæti. – sigridur@bb.is

## Bjartsýnir á opnun vatnsverksmiðju í Ísafjarðarbæ

Undirbúningsvinna fyrir stofnun vatnsverksmiðju á Ísafirði er nú í fullum gangi og segist Halldór Guðbjarnason, eigandi Brúarfoss ehf. sem hyggur á átöppun umframvatns úr Vestfjarðagöngum, bjartsýnn á að markaðssetning muni takast, hvort sem það verði austan hafs eða vestan. „Við verðum auðvitað að tryggja sölu á afurðinni því það er enginn vandi að finna gott vatn á Íslandi, aðalmálið er að markaðssetja rétt og finna kaupendur á ásætlanlegu verði. Nú á sér stað vinna með erlendum aðilum sem vinna dag og nótt að markaðssetningunni úti í heimi,“ segir

Halldór.

Um miðjan mars á þessu ári samþykkti bæjarstjórn Ísafjarðarbæjar að fela atvinnu-málanefnd að láta kanna möguleika á stofnun fyrirtækis til nýtingar ferskvatns úr Vestfjarðagöngum. Þá ákvað atvinnuálanefnd Ísafjarðarbæjar í lok maí að leita til Fjárfestingarstofu til að láta kanna grundvöll fyrir rekstri annað hvort bjór- eða vatnsverksmiðju á Ísafirði. Viðræður milli Ísafjarðarbæjar og fjárfestanna, sem reyndust vera Brúarfoss ehf. stóðu yfir í rúmt hálf ár, uns áformslysing var undirrituð í lok ágúst sl. milli Ísafjarðarbæjar

og Brúarfoss ehf. Þess efnis að fyrirtækið skuli eigi síðar en sex mánuðum eftir undirritun yfirlýsingarinnar leggja fyrir Ísafjarðarbæ staðfestar upplýsingar um ráðgert hlutfé félagsins og aðra fjármögnun verkefnisins, kostnaðar- og rekstraráætlanir og áætlanir um nauðsynlegar framkvæmdir.

Áformsyfirlýsingin felur það í sér að aðilar leitist við að gera samning um forgangs-rétt Brúarfoss ehf. til tiltekns magns vatns frá Ísafjarðarbæ sem væri umfram vatnspörf í sveitarfélaginu, og að leitast verði við að ná samkomulagi um endurgjald fyrir vatnið. Í

yfirlýsingunni var stefnt að því að drög að samningi um verkefnið lögju fyrir eigi síðar en 31. mars 2008 en það vonar Halldór að geti orðið fyrr.

„Ég hef verið að fá jákvæð svör frá einum fulltrúa mínum í Ameríku, og það gæti verið komin hreyfing á málið í kringum jólin. Ég treysti samt engum nema hafa undirritaða samninga,“ segir Halldór og vildi lítið gefa upp um nánari samningaumleitun, enda væri þetta allt á trúnaðarstigi. Hann telur að fyrirtækið gæti nýtt einhverjar byggingar og aðstöðu sem eru til staðar og því gæti starfsemin farið af stað með stuttum fyrirvara.



## Tilboð óskast!

Tilboð óskast í fjölbýlið að Holtabrún 14-16 í Bolungarvík. Eignin selst í einu lagi. Um er að ræða steinsteypt fjölbýlishús á þremur hæðum með tveimur stigagöngum. Í hvorum stigagangi eru sex íbúðir, allar 4ra herbergja, 100,2m<sup>2</sup> að stærð. Húsið er nýlega uppgert að utan.

Tilboð óskast fyrir 15. desember 2007.

Upplýsingar hjá Fasteignasölu Vestfjarða í síma 456 3244 og eignir@fsv.is.

„Einhvern veginn hefur maður það alltaf á tilfinningunni, að þeir sem starfa innan stjórnarsýslunnar séu að verja hagsmuni kóngsins, verja einhverja hagsmuni gagnvart þegnunum, í stað þess að horfa á það sem sameiginlegt verkefni ríkis og sveitarfélaga að vinna að hagsmunamálum allra íbúa landsins.“

# Ríkið og sveitarfélögin eiga að vinna saman

– Í stað þess að ríkisvaldið líti alltaf á sveitarfélögin sem einhverja keppinauta

Aðalsteinn Óskarsson hefur verið framkvæmdastjóri Atvinnuþróunarfélags Vestfjarða (AtVest) í tæpan áratug. Áður veitti hann skrifstofu Bygðastofnunar á Ísafirði forstöðu í átta ár, eða allan þann tíma sem hún starfaði. Síðustu fjögur árin hefur hann jafnframt starfi sínu hjá AtVest verið framkvæmdastjóri Fjórðungssambands Vestfirðinga (FV). Væntanlega munu fáir kunnugri atvinnulífi og sveitarstjórnarmálum á Vestfjörðum og ekki síst refilestigum kerfisins svokallaða en Aðalsteinn. Í spjallinu hér á eftir lítur hann yfir sviðið.

Haustið 2003 var gerð sú skipulagsbreyting hjá Fjórðungssambandi Vestfirðinga, að í stað þess að hafa framkvæmdastjóra í fullu starfi var gerður samningur við AtVest um skrifstofurekstur sambandsins. Aðalsteinn tók við framkvæmdastjórn FV en jafnframt færðust aukin verkefni á formann sambandsins. Umsviðin hjá bæði AtVest og FV hafa farið vaxandi á síðustu árum og nú er svo komið, að ákveðið hefur verið að ráða Fjórðungssambandinu sérstakan framkvæmdastjóra á ný.

## FV hvarf ekki ofan í skúffu

„Þegar þetta kom til“, segir Aðalsteinn, „að Atvinnuþróunarfélagið tæki að sér framkvæmdastjórn fyrir Fjórðungssambandið, var gerður rekstrarsamningur varðandi skrifstofuhaldið. Jafnframt skyldi ég mæta á helstu reglulegu fundum sambandsins og sjá um árlegt Fjórðungssþing. Um önnur verkefni sem kæmu upp yrði samið sérstaklega. Þetta var uppleggið, og síðan líður tíminn. Núna á þessu ári fór af stað sú umræða hvort ekki væri rétt að endurskoða þetta samstarf. Einhverjar raddir sögðu að Atvinnuþróunarfélagið hefði stungið Fjórðungssambandinu ofan í skúffu. Ég vil nú meina að það hafi verið þveröfugt, einkum eftir því sem á leið. Verkefni FV hafa orðið stöðugt viðameiri og ég held að við höfum náð að koma samband-

inu aftur á sinn gamalkunna stall hvað varðar verkefni og sýnileika og þátttöku í samfélagsumræðunni. Þessi skipulagsbreyting hafði líka í för með sér að stjórnarformaður sambandsins var meira út á við en áður að mæla fyrir hinni pólitísku stefnu og svara fyrir hönd sambandsins.

Mín skoðun er sú, að FV hafi komið vel út úr þessu samstarfi. Eftir umræður á síðasta Fjórðungssþingi var hins vegar ákveðið að segja upp rekstrarsamningnum við AtVest frá næstu áramótum. Atvinnuþróunarfélagið og Fjórðungssambandið eru hvort með sína stjórnina og framvegis verða þær aftur með sinn framkvæmdastjórnann hvor. Þetta fyrirkomulag, að hafa tverr stjórnir en einn framkvæmdastjóra, getur vel gengið ef FV er einungis ætlað sinna sínum hefðbundnu verkefnum, en eins og viðfangsefni hafa aukist var þetta orðinn óvinnandi vegur fyrir einn mann hjá tveimur stjórnunum, sem vildu báðar eiga hann.“

## Áherslubreytingar hjá FV

– Oft hafa verið skiptar skoðanir meðal forsvarsmanna sveitarfélaga á Vestfjörðum varðandi Fjórðungssamband Vestfirðinga, hlutverk þess og framtíð. Er góður samhljómur um þessar mundir? Eða eru skiptar skoðanir jafnvel um það hvort sambandið eigi yfirleitt að vera til?

„Efasemdir um tilverurét Fjórðungssambandsins eru





## „Julefrokost“ í Edinborgarhúsinu

Sunnudaginn 2. desember verður boðið upp á hefðbundinn danskan jólahádegisverð með öllu tilheyrandi í Edinborgarhúsinu á Ísafirði. Ýmsar uppákomur verða á dagskrá og má þar nefna að Ruth Tryggvason, heiðursborgari Ísafjarðarbæjar mun segja frá bernskujólunum í Danmörku og fjórar konur sem búið hafa í Danmörku um lengri eða skemmri tíma segja frá dönskum jólasíðum. Matseðillinn er ekki af verri endanum og verða þar ljúffengir réttir á boðstólum gerðir eftir dönskum jólauppskriftum, en lagaðir af Hugljúfu Ólafsdóttur og fleiri matgæðingum. Ísfirskir tónlistarmenn leika danska tónlist á léttu nótonum undir borðhaldi.

baráttu við ríkisvaldið. Alls konar skýrslur hafa verið gerðar, alls konar áætlanir hafa verið gerðar. Nefna má hugmyndirnar um eflingu byggðakjarna í hverjum landshluta. Sagt hefur verið að allt sé þetta svikið jafnóðum, allt sé þetta innantómur fagurgali ...

„Eftir að ég fór að vinna meira í sveitarstjórnarmálum hjá Fjórðungssambandinu varð mér stöðugt sýnilegra hvernig stjórnsýslustigin tvö, sveitarstjórnarstigið og ríkisvaldið, virðast oft ekki ganga í takt, og það alveg að óþörfu. Þegar Ísland varð fullvalda ríki tóku menn einfaldlega stjórnsýsluna frá Kaupmannahöfn, stjórnsýslu sem miðaðist við að yfir öllu væri kóngur. Einhvern veginn hefur maður það alltaf á tilfinningunni, að þeir sem starfa innan stjórnsýslunnar séu að verja hagsmuni kóngsins, verja einhverja hagsmuni gagnvart þegnum, í stað þess að horfa á það sem sameiginlegt verkefni ríkis og sveitarfélaga að vinna að hagsmunamálum allra íbúa landsins. Það er eins og ríkisvaldið sé að berjast á móti því að sveitarfélögin fái of mikið. Hjá Fjórðungssambandinu kemur þetta þannig út, að oft er verið að berjast við að fá hluti leiðrétta sem virðast alveg sjálfsgörð.“

Núna er reyndar búið að setja það inn í samstarfssamning ríkis og sveitarfélaga, að fara yfir alla nýja lagagerð innan stjórnsýslunnar og meta áhrif hennar á starfsemi sveitarfélaganna. Segja má að þetta hafi farið skrykkjótt af stað, en ég hygg þó að það muni leysa margan vandann af því tagi sem oft hefur komið upp að óþörfu. Það er ástæðulaust að eyða orkunni í svona hluti, í stað þess að vinna að uppbyggingu atvinnulífsins, í stað þess að vinna að samgöngumálum og öðrum hagsmunamálum fólksins í landinu. En auðvitað eru fjármunirnir takmarkaðir og menn eru að berjast um þá.

Sveitarfélögin geta verið stolt af því hversu mikla þjónustu þau veita og hversu mikið þau hafa eflt hana gegnum árin. Lítum bara á grunnskólana, sem sveitarfélögin tóku við frá ríkinu. Þar hafa sveitarfélögin tekið röggsmalega á málum og aukni þjónustuna. Nú er verið að tala um enn frekari verkefnaflutning frá ríki til sveitarfélaga. Í ljósi reynslunnar frá yfirtöku grunnskólanna eru sveitarfélögin svolítið á varðbergi, þeim finnst þau ekki hafa fengið nægilegt fjármagn til samræmis við óhjákvæmilegan kostnað. Margir samningar



sveitarfélaga við ríkið eru þess eðlis að ríkið tekur ekki tillit til atriða eins og launahækkana eða annarra hækkana á kostnaði, þannig að menn þurfa að berjast í þessu mánudum saman. Það má alveg velta því fyrir sér hvort þarna séu menn ekki að eyða tíma sínum stundum í óþarfa stagl. Það er brýnt að hætta að horfa á þetta sem einhverja gríðarlega valdabaráttu og líta heldur á þetta sem sameiginlegt verkefni í þágu fólksins í landinu.“

### Sveitarfélögin ráði meiru um tekjustofna

– Verkefni hafa verið að færast til en fjármagnið ekki, að sagt er. Sveitarfélögin hafa ákaflega lítið svigrúm varðandi útsvarsprósentu. Ættu sveitarfélögin að ráða meiru um tekjustofna sína og útsvarsprósentu? Af hverju þarf ríkið að setja þessi þröngu mörk?

„Það er mín skoðun, að sveitarfélögin ættu að hafa miklu rýmri ramma um það hvernig þau vilja leggja á útsvar. Hins vegar hefur Jöfnunarsjóður sveitarfélaga verið notaður til að jafna fjárhag þeirra. Sá sjóður hefur einmitt í þeim tilgangi verið eflur á undanförunum árum en verkefni sveitarfélaganna hafa aukist á móti. Mörg sveitarfélög þurfa auknar tekjur og þau

sem verst standa hafa kannski ekki mikið að sækja til íbúanna. En þarna kemur aftur að hinni miðlægu stjórnsýslu okkar, sem er arfur frá liðinni tíð, eins og ég nefndi.“

– Nú hafa t.d. Bolvkingar gagnrýnt harðlega hvernig að verki er staðið varðandi útlutanir úr Jöfnunarsjóði sveitarfélaga.

„Já, ég hef séð viðbrögð þeirra og hvernig þetta hefur komið út. Þeir horfa upp á lækkuð framlög úr sjóðnum, rétt eins og líka á Skagaströnd og víðar, þar sem veruleg fólksfækkun hefur orðið. En þegar menn setja upp reikni-módel, þá geta verið einhverjar tilteknar ástæður eitt árið sem verða til þess að prósentan hækkar hjá einum en lækkar hjá öðrum. Bolvkingar hafa lagt fram greinargerð um málið og ég held að menn hljóti að yfirfara þetta af sanngírni.“

### AtVest festir sig í sessi á Patrö og Hólmafvík

– Hvað er helst á döfinni hjá AtVinnuþróunarfélagi Vestfjarða um þessar mundir?

„Þar eru ýmsir nýir hlutir að gerast. Þess má geta, að í fjárlagafrumvarpinu er gert ráð fyrir auknum fjárveitingum til félagsins. AtVest hefur verið með samrekstur með sveitarfélögum og Vaxtar-samningi Vestfjarða varðandi

stöðugildi á Patreksfirði og Hólmafvík. Samkvæmt tillögum í fjárlagafrumvarpinu eigum við að fá beina fjárveitingu í þessi stöðugildi. Þar með virðist mér að Atvinnuþróunarfélagið sé búið að festa sig í sessi á þessum stöðum, en fram að þessu hefur þurft að sækja um sérstaka fjárveitingu frá ári til árs. Núna er félagið komið með fastar og öflugar starfsstöðvar á þremur stöðum á Vestfjörðum og þar með er AtVest virkur þátttakandi á öllum svæðum fjórðungsins.

Varðandi stöðugildið á Hólmafvík horfi ég líka til þess, að með nýja veginum um Arnkötuldal og Gautsdal styttest enn frekar leiðin fyrir okkur að þjónusta Reykhólahrepp. Hingað til höfum við veitt þá þjónustu frá Patreksfirði, einfaldlega vegna þess að samgöngumar hafa ekki boðið upp á annað nærtækara.

Þannig hafa nú verið stigin mikilvæg skref í þá átt að félagið taki þátt í að byggja upp þróunarsetur á Patreksfirði og Hólmafvík á sama hátt og gert hefur verið á Ísafirði. Maður sér fyrir sér starfsstöðvar á þessum stöðum eins og hér á Ísafirði, nokkrar stofnanir saman í húsnæði á hvorum stað, bæði opinberar og einkareknar. Stofnanir sem vinna á vestfirsku vísu eins og t.d. Náttúrustofa Vestfjarða hafa þarna líka möguleika á að setja niður stöðugildi ef á annað borð er til starfsmaður á svæðinu. Þetta er mjög mik-

## Mælt með Úlfi í starf forstöðumanns

Stjórn skíðasvæðis Ísafjarðarbæjar hefur mælt með Úlfi Guðmundssyni í starf forstöðumanns skíðasvæðisins en bæjarstjórn tekur endanlega ákvörðun um málið í þessari viku. Þrjár umsóknir bárust um starfið, en auk Úlfs sóttu þeir Hilmar Örn Þorbjörnsson frá Ísafirði og Björgvin Sveinsson frá Önundarfirði um forstöðumannsstarfið. Úlfur, sem hefur að undanförunum verið forstöðumaður skíðasvæðis Siglfríðinga, er Ísfríðingum ekki ókunnugur en hann er barnabarn Úlfs Gunnarssonar, fyrrverandi yfirlæknis.

ilvægur þáttur í því að byggja upp rannsóknir og menntun á hverjum stað og greina sérstöðu svæðanna og efla sig út frá henni. Þetta er einn þátturinn. Fyrir utan það getum við einbeitt okkur enn frekar að ráðgjöf til fyrirtækja og einstaklinga eins og starfsmenn félagsins hafa gert lengi. Við höfum líka beitt okkur með Fjórðungssambandinu til að efla rannsóknir og menntun, og jafnframt í baráttunni við ríkisvaldið, ef svo má að orði komast.“

### Nýsköpunarmiðstöðin og Vaxtar-samningurinn

„Núna erum við líka að fá aukinn stuðning með því að Nýsköpunarmiðstöð Íslands starfsstöð með tvo starfsmenn. Það eflir okkur ennþá frekar varðandi vinnu okkar í þágu nýsköpunar. Ekki síst horfum við til þess að nú getum við beitt okkur enn frekar í námskeiðahaldi í samstarfi við Nýsköpunarmiðstöðina og Fræðslumiðstöð Vestfjarða, þar sem við erum að ná saman hópum fólks, svo sem í *Brautargengi kvenna* og *Hagvexti á heimslóð*, svo að ég nefni einhver verkefni. Þannig náum við saman hópum fólks og fyrirtækja sem vinna saman í sínum verkefnum og hafa stuðning hvert af öðru, og síðan veitum við ráðgjöf í fram-

haldinu.

Ekki er starfsemi Vaxtar-samnings Vestfjarða ómerkasti þátturinn. Núna er hún virkilega komin á skrið og farið að veita fjármagn til verkefna. Þarna er einmitt sá grundvöllur sem maður sá fyrir sér varðandi samstarf fyrirtækja að ákveðnum verkefnum. Í sjávarútvegsklanum hefur þannig verið tekið á flutningamálum og mikil vinna sett í það. Líka má nefna sameiginleg gæðamál fyrirtækjanna og sameiginlega markaðssetningu í ferðaþjónustunni. Núna eru að koma fram á sjónarsviðið góðar nýjungar innan ferðaþjónustunnar, þar sem boðin er þjónusta umfram hinar venjulegu grunnþarfir, sem eru ferðir milli staða, matur og gisting. Einmitt núna er þetta að gerast sem beðið hefur verið eftir og hefur þurft að þróast. Stöðugt spretta upp skemmtilegir og öflugir afþreyingarmöguleikar á svæðinu. Ferðamaðurinn segir og spyr: Nú er ég kominn, hvað get ég gert?“, sagði Aðalsteinn Óskarsson, framkvæmdastjóri.

Aðalsteinn Óskarsson hefur aldrei haft í fleiri horn að líta en einmitt núna. Líklega hefur enginn annar maður átt þátt í fleiri góðum varnarsigrum sem unnist hafa á Vestfjörðum á undanförunum árum. Og enginn átt meiri þátt í þeirri viðleitni að snúa vörn í sókn á komandi árum.

– Hlynur Þór Magnússon.

## Samgönguáætlun endurkoðuð

Fjórðungssamband Vestfjarða hefur ákveðið að endurskoða samgönguáætlun sambandsins frá árinu 2004. Ástæðan fyrir endurskoðuninni eru þær miklu samgöngubætur sem eru að verða að veruleika á Vestfjörðum. Þrátt fyrir það telur FSV að stórum forgangsmálum sé enn ólokið í samgöngumálum fjórðungsins. Þetta var samþykkt á fjórðungsþingi sem haldið var á Tálknafirði í september. Þá var einnig samþykkt að öll sveitarfélög á Vestfjörðum ættu fulltrúa í endurskoðunarnefndinni ásamt fastanefnd. Á síðasta bæjarráðsfundi var tekin fyrir beiðni sambandsins þess efnis að Ísafjarðarbær tilnefndi einn fulltrúa í nefndina. Bæjarráð leggur til við bæjarstjórn, að Birna Lárusdóttir verði fulltrúi Ísafjarðarbæjar í endurskoðunarnefnd um samgöngumál.

## Byggir í Reykjarfirði

Þróstur Jóhannesson, einn landeigenda í Reykjarfirði í fyrrum Grunnvákurhreiði hefur fengið leyfi til að byggja geymslu- og ljósavélahús með torfbaki við sumarhús sitt í Reykjarfirði. Beiðni þratar um leyfi til þessa var samþykkt á fundi umhverfisnefndar en hann hafði samþykki allra eigenda í Reykjarfirði fyrir framkvæmdinni. Húsið verður 12 fermetrar, lágrest með veggjum úr torfi og grjóti.

# Ísafjarðarbær tekur þátt í samstarfsverkefni um þjóðlendumál

Ísafjarðarbær hefur verið boðin þátttaka í samstarfsverkefni Búnaðarsamtaka Vesturlands, Búnaðarsambands Vestfjarða og sveitarfélaganna í þjóðlendumálum á þeirra svæðum. Verkefnið snýst í stuttu máli um að landeigendur og þar með talin sveitarfélög verði með allt á hreinu hvað varðar landa-

merki þegar óbyggðanefnd Alþingis tekur þessi svæði til umfjöllunar. Umhverfisnefnd Ísafjarðarbæjar hefur fundað um málið og leggur til að Ísafjarðarbær taki þátt í samstarfsverkefninu.

Í athugasemd við lagafrumvarp um breytingu á lögum um þjóðlendum og ákvörðun marka eignarlanda, þjóð-

lendna og afrétta, nr. 58/1998, með síðari breytingum kemur fram eftirfarandi um hlutverk óbyggðanefndar: „Með lögum um þjóðlendum og ákvörðun marka eignarlanda, þjóðlendna og afrétta, nr. 58/1998, var ríkinu falið eignarhald á landi og hvers konar landsréttindum og hlunnindum á svæðum sem ekki eru háð einka-

eignarrétti, þ.e. hinum svo nefndu þjóðlendum. Með sömu lögum var sérstakri nefnd, óbyggðanefnd, falið að eiga frumkvæði að því að fara með skipulögðum hætti yfir hvaða svæði þetta væru og skera úr um mörk þeirra og eignarlanda og önnur réttindi innan þjóðlendna.“ Í fyrstu átti nefndin að ljúka störfum fyrir

árið 2007 en umfang þjóðlendumála með tilheyrandi málaferlum olli því að nefndin mun ekki ljúka störfum fyrir en árið 2011.

Á aðalfundi Búnaðarsamtaka Vesturlands í mars á þessu ári var samþykkt ályktun um að hefja skuli markvisst starf til að verja hagsmuni félagsmanna gegn ásælni Þjóðlendunefndar fjármálaráðuneytisins og leita til þess allra skynsamlegra leiða. Þar á meðal að leita til lögfræðings til ráðgjafar og umsjónar með málskostnaði, leita samstarfs við sveitarfélög á svæðinu og Landssamtök landeigenda, halda áfram að stuðla að hnitsetningu landamerkjanna og ráða starfsmann til að vinna að verkefninu ef hagstætt þykir.

Aðilar samstarfsverkefnisins eru sammála þessari álykt-

un BV og í minnisblaði frá þeim segir nánar um störf þessa starfsmanns: „Lagt er til að starfsmaður verkefnisins hefði það verkefni að ýta við mönnum um gagnaöflun og leiðbeina um aðferðafræði í því sambandi. Hann ýtir við landeigendum að koma sínum landamerkjum á hnitsett form samkvæmt landamerkjabréfum. Hann vísar bændum á hvar rétt er að leita sér aðstoðar þegar álitamál koma upp. Hann stendur fyrir kynningu á þeim úrskurðum og dómum sem þegar hafa fallið og jafnvel vettvangsgöngum til undirbúnings og upplýsingar fyrir landeigendur. Hann veitir einsetningu landamerkjanna og ráða starfsmann til að vinna að verkefninu ef hagstætt þykir.“

– sigridur@bb.is

## Nemendur heiðruðu íslenskuna

Í tilefni af Degi íslenskrar tungu sem haldinn var hátíðlegur sl. föstudag, á fæðingardegi Jónasar Hallgrímssonar, héldu nemendur Grunnskólans á Ísafirði hefðbundna hátíðardagskrá í Hömrum, sal Tónlistarskólans á Ísafirði. Dregið var í smásagna- og ljóðahappdrætti skólans og fengu tveir nemendur úr hverjum árgangi nýttkomnar úrvalsbækur í vinning. Lesið var upp verkum nemenda sem munu birtast í bókinni „Börn skrifa sögur og ljóð“ sem GÍ gefur út um næstu mánaðamót, en hún hefur alltaf selst vel fyrir jólin. Ágóðinn af sölu fer í að kaupa vinninga fyrir happdrættið og gefa Glitnir og Sparisjóður Vestfirðinga það sem upp



Stúlka úr 7. bekk les fyrir skólasystkin sín í Hömrum á Degi íslenskrar tungu.

á vantar í sjóðinn. Hlytt var á tónlistaratriði og að lokum sungu allir saman. Dagurinn markaði einnig upphaf Stóru upplestrarkeppninnar um land allt en Grunnskólinn á Ísafirði var einn af fyrstu skólun-

um til þess að taka þátt í henni fyrir utan skólana á Reykjavíkarsvæðinu. Nemendur í 7. bekk taka þátt í henni en meginmarkmið keppninnar er að nemendur temji sér skýran og góðan framburð auk

þess að efla sjálfstraust nemenda í upplestri og verða æfingar í framsögn og skýrmæligi áberandi í námi þeirra í vetur eða þar til verkefninu lýkur með viðhöfn í mars. – sigridur@bb.is

# Engan bilbug að finna á Vísismönnum á Þingeyri

Nóg er að gera hjá Fiskvinnslunni Vísi hf. á Þingeyri og segir Viðar Friðgeirsson, rekstrarstjóri, að suma daga sé jafnvel þörf á meiri starfskrafti. „Það jaðrar við að okkur vanti starfsfólk miðað við þá starfsemi sem er í gangi í dag. En á því er dagamunur.“ Aðspurður hvort niðurskurður aflaðeimilda í þorskveiðum hafi ekki haft áhrif á fyrirtækið segir Viðar svo vera. „Svo sannarlega hefur það áhrif en við erum að reyna sníða okkur stakk eftir vexti. Það hefur

haft þau áhrif að það hefur fækkað í hópnum. Við höfum þó blessunarlega sloppið við að segja upp fólki en höfum hins vegar ekki tekið aftur til okkar lausráðið fólk sem unn- ið hefur hjá okkur.“ Um 40 manns starfa nú hjá Vísi en þar er eingöngu unninn fiskur til útflutnings. Hjá fyrirtækinu er framléidd léttisöltuð, lausfryst flök úr þorski auk þess sem unnin er ýsa sem er milli- lögð og lausfryst. Unnið er úr um 3.000 tonnum árlega.

Viðar segir erfitt að spá

langt fram í framtíðina hvaða áhrif niðurskurður þorskveiða hafi á starfsemi Vísis. „Við gerum ráð fyrir að geta haldið dampi í vetur og fram á vor en það er spurning hvort við munum þurfa að grípa til lengri lokana heldur en sumar- leyfið segir til um. Nóg er af fiski enn sem komið er en við erum líka á fyrri hluta kvóta- ársins og það mun koma best í lok fiskveiðiársins hvað verður.“

Fiskveiðiárinu lýkur 31. ágúst á næsta áro og nýtt hefst

1. september. „Það eru blikur á lofti með síðustu tvo þrjá mánuðina af kvótaárinu sem er allur sumartíminn. Það verður hættulegasti tíminn að verða hræfnislaus. Á meðan menn eiga enn kvóta er ekki að búast við miklum hræfnis- isskorti. En menn stýra veiðunum eftir þessu, þeir veiða ekki allt á fyrstu mánuðum og eiga svo ekki neitt, heldur dreifa kvótanum yfir árið eins og þeir geta“, segir Viðar og bætir við að enginn bilbugur sé á starfsfólki Vísis ennþá.



Fræðslumiðstöð  
Vestfjarða

## Starf á Patreksfirði

Fræðslumiðstöð Vestfjarða auglýsir eftir starfsmanni á Patreksfirði. Starfsmaðurinn verður hluti af teymi Fræðslumiðstöðvar Vestfjarða, sem sinnir og þróar fullorðinsfræðslu á Vestfjörðum. Aðaláhersla í starfinu verður á Vesturbyggð og Tálknafjörð. Þá verður lítill hluti af starfinu vinna fyrir Vinnumálastofnun, samkvæmt samningi milli stofnananna þar um.

Vinnuaðstaða verður góð í skapandi umhverfi í nýju og vistlegu húsnæði Þróunarsetursins á Patreksfirði.

Umsækjandi þarf að hafa háskólapróf, vera áhugasamur um velferð einstaklinga og viðgang vestfirskra byggða, geta unnið sjálfstætt og hafa góða samskiptafærni.

Umsækjandi þarf að geta hafið störf sem fyrst, eða eftir samkomulagi. Kaup og kjör taka mið af kjarasamningum BHM.

Umsóknnum skal skilað til Fræðslumiðstöðvar Vestfjarða, Suðurgötu 12, 400 Ísafjörður. Umsóknarfrestur er til 2. desember 2007.

Fræðslumiðstöð Vestfjarða.

## Aðventan í Ísafjarðarkirkju

Aðventudagskrá verður með hefðbundnu sniði í Ísafjarðarkirkju í ár, ef frá er talið að kyrrðarstund sem verði hefur 22. desember undanfarin ár, fellur niður. Stærsti viðburðurinn í ár er aðventukvöld sem haldið verður sunnudaginn 2. desember kl. 20. Þar koma fram Sunnukórinn, kór Ísafjarðarkirkju, karlakórinn Ernir, barnakór Tónlistarskóla Ísafjarðar auk trompet- og saxófónleikara. Þann 16. des verður fjölskylduguþjónusta með jólaballi á eftir. Á aðfangadag verður miðnæturmessa kl. 23:30 og á Jóladað verður messað klukkan 14.



## Aflasamdráttur í Bolungarvík

Aflasamdráttur varð í Bolungarvík milli ára. 868 tonn komu að landi í nýliðnum október samanborið við 1.014 tonn í október í fyrra. Munar þar mestu um samdrátt í þorskafla en hann dróst saman um nær helming milli ára, út 600 tonnum í 340 tonn. Eins og á öðrum stöðum á landinu hafa útgerðir reynt að bæta sér skerðingu í aflaheimildum í þorski með aukinni sókn í ýsu og jókst ýsuafinn um rúm hundrað tonn.



Hátækniyrirtækið 3X-Technology vill að gengið sé frá Wardstúni, lóðinni gengt fyrirtækinu.

# Vilja að Wardstúnið á Ísafirði verði snyrt

Hátækniyrirtækið 3X-Technology hefur farið fram á það við umhverfisnefnd Ísafjarðarbæjar að svæðið fyrir fram-

an fyrirtækið, svokallað Wardstún, verði snyrt. Í bréfi fyrirtækisins sem tekið var fyrir á fundi nefndarinnar var beðið

um skriflegt svar og dagsetta aðgerðaráætlun vegna þessa. Á undanföllum árum hafa forsvarsmenn 3X-Technology

komið á framfæri óánægju með frágang nánasta umhverfis fyrirtækisins en Wardstúnið er gengt aðalinngangi þess. „Þarna eru gamlir húsgrunnar og mikil órækt ásamt rusli sem ekki virðist vera áhugi á að ganga frá. Einnig er í þarna gamall snjóþill að grotna niður sem athugasemd hefur verið gerð við og þarf að fjárlægja“, segir í bréfi sem barst umhverfisnefnd.

„Starfsemi 3X-Technology hefur vaxið mikið undanfarin ár. Þessum vexti og þeim

viðurkenningum sem fyrirtækinu hefur hlotnast, má þar nefna Útflutningsverðlaun Forseta Íslands, hefur óneitanlega fylgt aukin athygli. Varla líður sú vika án þess að utan- aðkomandi aðilar komi og heimsæki fyrirtækið og kynni sér rekstur þess. Síðastliðinn mánuð höfum við t.d. notið heimsókna frá sendiráði Bandaríkjanna og Danmerkur auk þess sem erlendir viðskiptavinir hafa heimsótt okkur. Sú stefna hefur verið hjá fyrirtækinu að hafa ávallt snyrti-

legt innan sem utan veggja þess. Þar sem við viljum að gestir okkar séu meðvitaðir um að allt sé „á hreinu hjá okkur“, viljum við breytingu þar á.“ segir í bréfinu.

Umhverfisnefnd Ísafjarðarbæjar bendir á að umrædd lóð er við Sindragötu 4, Ísafirði og tilheyrir því húsfélagi umræddrar lóðar. Byggingarfulltrúa er falið að hafa samband við heilbrigðiseftirlit og lóðarhafa vegna ástands lóðarinnar.

– thelma@bb.is

menningarmiðstöðin edinborg  
Litli Leikklúbburinn | Myndlistartélagið á Ísafirði | Listakóli Rögnvaldar Ólafssonar

# SKUGGA-SVEINN

EFTIR MATTHÍAS JOCHUMSSON  
LEIKRIT MEÐ SÖNGVUM

Menningarmiðstöðin Edinborg setur upp langvinsælasta leikrit Íslandseggunnar **Skugga-Svein** eftir Matthías Jochumsson í Edinborgarhúsinu á Ísafirði í leikstjórn Hrafnhildar Halberg.

Leiksjóninginn er hin fyrsta sem Litli Leikklúbburinn setur upp í endurnýjuðu Edinborgarhúsi, nýju leikhúsi félagsins.

**Sýningar**  
Frumaýning, 17. nóvember | 2. sýning, 18. nóvember | 3. sýning, 25. nóvember  
4. sýning, 27. nóvember | 5. sýning, 30. nóvember | 6. sýning, 1. desember

Nánari upplýsingar á [www.edinborg.is](http://www.edinborg.is) | Pantanir og sala aðgöngumíða í síma: 450-5555

## Íbúar Sindragötu 4 eiga byggingarréttinn

Hátækniyrirtækið 3X-Technology hefur, eins og greint er frá hér að ofan, farið fram á það við umhverfisnefnd Ísafjarðarbæjar að svæðið fyrir framman fyrirtækið, svokallað Wardstún, verði snyrt. Í bréfi fyrirtækisins til bæjaryfirvalda er beðið um skriflegt svar og dagsetta aðgerðaráætlun vegna þessa. Á undanföllum árum hafa forsvarsmenn 3X-Technology komið á framfæri óánægju með frágang nánasta umhverfis fyrirtækisins en Wardstúnið er gengt aðalinngangi þess. „Þarna eru gamlir húsgrunnar og mikil órækt ásamt rusli sem ekki virðist vera áhugi á að ganga frá. Einnig er í þarna gamall snjóþill að grotna niður sem athugasemd hefur verið gerð við og þarf að fjárlægja“, segir í bréfi fyrirtækisins til um-

hverfisnefndar.

Að sögn Önnu Guðrúnar Gylfadóttur, byggingarfulltrúa Ísafjarðarbæjar, tilheyrir Wardstúnið svokallaða, grunnur sláturhúss Kaupfélags Ísafirðinga sem var og hét, íbúum fjölbýlishússins Sindragötu 4, eða frá því Ágústi og Flosa ehf. var úthlutaður byggingarrétturinn á sínum tíma. Anna Guðrún segir að lóðin sem um ræðir sé tæpir 3700 fermetrar á stærð og eigendur hússins á Sindragötu 4 hafi fullan rétt til að byggja sér bílskúra henni.

„Þegar Ágúst og Flosi ehf. byggðu húsið sem stendur á lóðinni, höfðu þeir möguleika á að byggja á 900 fermetrum til viðbótar. Þeir voru komnir með málið í þann farveg að breyta deiliskipulaginu svo úr yrði Sindragata 4 og 4a en svo fer fyrirtækið í þrot og deiliskipulagsbreytingin fór

aldrei í samþykkt. Lóðin er náttúrulega í eign Ísafjarðarbæjar en íbúar að Sindragötu 4 borga af henni leigu í gegnum fasteignagjöldin sín og hafa möguleika á, samkvæmt gamla deiliskipulaginu, að byggja sér bílskúra að fengnum öllum tilskyldum leyfum, eða sækja um að lóðin verði minnkuð með tilheyrandi deiliskipulagsbreytingum“ segir Anna Guðrún.

Hún segir að draslið sem er á Wardstúninu sé ekki í eigu eða á ábyrgð Ísafjarðarbæjar en bærinn ætli þó að reyna að vinna með íbúunum að hreinsun á svæðinu. Hún vill einnig höfða til samvisku fólks, bæði einkaaðila og fyrirtækjaeigenda, um að henda ekki drasli á lóðir annarra, sorpbrennslustöðin Funi sé til að taka við rusli.

– sigridur@bb.is

## Vilja funda um samstarf við A-Grænland

Atvinnumálanefnd Ísafjarðarbæjar telur brýnt að halda sem fyrst sérstakan fund um samstarfsverkefni Austur-Grænlands með hagsmunaraðilum og öðrum þeim sem málið varðar. Nefndin tekur undir samþykkt bæjarstjórnar frá 1. nóvember um mikilvægi þess að flýta gerð úttekta þess að efla norðanverða Vestfirði sem þjónustumiðstöð fyrir Austur-Grænland og siglingu um Grænlandssund. Eins og greint hefur verið frá ályktaði Alþingi fyrr á árinu að fela ríkisstjórninni að gera úttekt á möguleikum þess að efla norðanverða Vestfirði sem miðstöð þjónustu við vaxandi fiskveiðar við Austur-Grænland og skoða sérstaklega þann kost að þjónustumiðstöð og umskipunarhöfn fyrir siglingar í Norðurhöfum verði á Vestfjörðum.



Séð yfir Hornbjarg. Ljóm: Hjálmar R. Bárðarson.

# „Þörf á skilgreiningu á framkvæmdum í friðlandinu“

Hörður Ingólfsson, hagsmunaráðgjafi á Hornströndum, hefur óskað eftir skilgreiningu frá bæjaryfirvöldum í Ísafjarðarbæ á hugtakinu „framkvæmd“ í Hornstrandafriðlandinu. „Samkvæmt auglýsingu um friðlandið eru allar framkvæmdir innan friðlandsins bannaðar, nema með leyfi þar til bærra stjórnvalda. Undirritaður vill af gefnu tilefni benda á nauðsyn þess að skýra nákvæmlega hvað talist geti „framkvæmd“ í skilningi auglýsingarinnar um friðlandið. Þannig er mál með vexti að allir land- og húseigendur á Hornströndum sem eiga sum-

ardvöl á svæðinu ráðast í ýmsar athafnir sem við nánari skoðun geta hugsanlega talist vera framkvæmdir þó þær falli í hugum flestra undir það sem kalla má daglegt líf. Svo spurt sé á mannamáli; Hvað er framkvæmd og hvað er ekki framkvæmd“, spyr Hörður í bréfi sínu sem borist hefur umhverfisnefnd Ísafjarðarbæjar. „Nú er það svo að í huga flestra er framkvæmd ótvírætt tengt við það sem skilgreina má sem mannvirki – t.a.m. húsbýggingar, vegi og hliðstæðar framkvæmdir. Hitt er svo deginum ljósara að flest það sem mannfólkið tekur sér

fyrir hendur í daglegu lífi getur engu að síður talist til „framkvæmda“ – eftir því hvaða skilgreining er lögð til grundvallar.“ Hörður telur að bæði landeigendur og bæjaryfirvöld skorti nákvæmari skilgreiningu á því hvað falli undir að teljast til framkvæmda og hvað ekki. „Á meðan ekki liggur fyrir skýr leiðsögn af hálfu stjórnvalda, verða athafnir og framkvæmdir á Hornströndum háðar persónulegu mati hvers einstaklings um það hvað sé bannað, hvað sé leyfilegt og hvað sé á gráu svæði.“ Sem dæmi þessu til útskýr-

ingar nefnir Hörður nokkrar framkvæmdir eða athafnir sem allar eiga það sameiginlegt að hafa átt sér stað á Hornströndum. Þar á meðal er urðun á lífrænu sorpi, snúrastaustur upp við sumarhús, holu-mokstur til að modsteikja kjöt-læri, gróðursettur rabarbari í nágrenni við sumarhús, fúíð timbur úr föllnu húsi fjarlæggt og sett á brennu og rekaviður fjarlægður af fjöru til að saga niður og brenna. Umhverfisnefnd bendir á að hugtakið „framkvæmd“ sé það sem er leyfislyst samkvæmt Skipulags- og byggingarlögum. – *thelma@bb.is*

## Vill ganga inn í kautilboð Sæfara á aðstöðu siglingaklúbbsins

Bæjarráð Ísafjarðarbæjar hefur lagt til að sveitarfélagið gangi inn í kautilboð Siglingaklúbbsins Sæfara á fasteigninni að Suðurtanga 2. Húsnæðið er í eigu nokkurra aðila, þar á meðal Sæfara sem hefur einnig verið í leiguhúsnæði sem nú er í eigu Byggðastofnunar. Sæfari hefur gert tilboð í þann hluta fasteignarinnar að upphæð 3,2 milljónum og var hæstbjóðandi samkvæmt upplýsingum bæjarstjóra. „Þó Ísafjarðarbær geti ekki

eignast húsið nema í áföngum þá er eðlilegt að húsið verði á forkaupslista ef svo fer að fleiri einingar verði til sölu á eðlilegu og viðráðanlegu verði“, segir í bréfi Halldórs Halldórssonar, bæjarstjóra, til bæjarráðs. „Suðurtangi er eins og kunnug er alveg við safnasvæðið í Neðstakaupstað og þess vegna er mikilvægt að hugsa um framtíðarnýtingu þess húss í þágu safnasvæðisins. Þess vegna telur undirritaður það vera réttlætunlegt að Ísafjarðarbær gangi inn í til-

boð sæfara og eignist þann hluta húsnæðisins. Það má hugsa sér áframhaldandi afnot Sæfara af húsnæðinu gegn leigugjaldi til bæjarinnar. Starfsemi Sæfara þar sem fjöldi kajaka, skútur og smærri bátar eru dregnir á flot daglega og mikil umsvif fylgja yfir sumarið, fellur vel að því sem gert er á safnasvæðinu og skapar skemmtilega umgjörð fyrir svæðið allt. Í framtíðinni eru hugmyndir um höfn fyrir gömlu skipin sem verið er að gera upp og að boðið verði

upp á siglingu með þeim skipum um Pollinn. Byggðasafnið er farið að bjóða upp á siglingu með Gesti frá Vigur og mun þetta aukast með tíð og tíma. Samstarf Sæfara og Byggðasafnsins getur þarna komið til greina“, segir bæjarstjóri í bréfi sínu. Þá segist hann að vel mætti hugsa sér aðstöðu fyrir Byggðasafnið og sýningar- aðstöðu fyrir fleira en sýnt er í dag, t.d. aðstöðu fyrir harmónikkusafn Ásgeirs Sigurðssonar. – *thelma@bb.is*

**Tryggvi Guðmundsson hdl - löggiltur fasteignasali**  
Hafnarstræti 19 - Ísafirði • Sími: 456 3244

**Guðmundur Óli Tryggvason - löggiltur fasteignasali**  
Fax: 456 4547 • Netfang: eignir@fsv.is  
Heimasíða: www.fsv.is

 Míótún 29, Ísafirði	 Bakkavegur 29, Hnífsdal
Steinsteypt einb. hús á góðum stað, klætt að utan með stálklæðningu, húsið er á tveimur hæðum og er samtals 201 m <sup>2</sup> með sólstofu. <b>Tilboð óskast</b> 20.500.000,-	279,4 m <sup>2</sup> steinst. einb. hús á 2 hæðum með 5 svefnherb. og 60 m <sup>2</sup> innbyggðri bílgeymslu á neðri hæð
 Stefnisgata 2, Suðureyri	 Túngata 3, Ísafirði
152,6 m <sup>2</sup> einbýlishús úr timbri á þremur hæðum, eignin er mikið endurnýjuð að innan. <b>Tilboð óskast</b> 7.000.000,-	2ja til 3ja herb. 80,5m <sup>2</sup> íbúð á jarðhæð í fjórþ. húsi, nýjar lagnir, nýtt parket á gólfum. Fin íbúð á góðum stað. <b>Tilboð óskast</b> 8.700.000,-
 Ólafstún 3, Flateyri	 Fjarðarstræti 38, Ísafirði
Mikið endurnýjað 199 m <sup>2</sup> steinsteypt einbýlishús á einni hæð með tvöföldum bílskúr. 4 svefnherbergi. <b>Tilboð óskast</b> 15.500.000,-	72 m <sup>2</sup> mikið endurnýjuð þriggja herbergja íbúð á 2.hæð í fjölbýlishúsi. <b>Tilboð óskast</b> 8.300.000,-
 Túngata 18, Ísafirði	 Stakkanes 6, Ísafirði
53,4 m <sup>2</sup> tveggja herbergja íbúð á 1.hæð í fjölbýlishúsi, ný eldhúsinnrétting. <b>Tilboð óskast</b> 6.500.000,-	144,2 m <sup>2</sup> raðhús á tveimur hæðum ásamt 29,6 m <sup>2</sup> bílskúr. Drjú svefnherbergi, sólstofa og glæsilegur sólpallur. <b>Tilboð óskast</b> 19.500.000,-
 Hjallastræti 25, Bolungarvík	 Höföastigur 20, Bolungarvík
Steinsteypt 123 m <sup>2</sup> einbýlishús á einni hæð með 35 m <sup>2</sup> bílskúr. Fjögur herbergi, nýr vatnshitakútur. <b>Tilboð óskast</b> 10.700.000,-	Fjögurra herbergja íbúð á neðri hæð tvíþýli ásamt bílskúr, samtals 145 m <sup>2</sup> , íbúðin er mikið uppgerð og húsið nýlega klætt að utan. <b>Tilboð óskast</b> 8.500.000,-

**Leigjendur og leigusalar athugið! Nú er hægt að auglýsa eignir til leigu eða óska eftir eignum til leigu á vef okkar**

## Rekstur til sölu

Um er að ræða ýmiskonar námskeiðahald og afþreyingu fyrir börn. Tæki, námskeiðagögn og þjálfun starfsfólks fylgir. Frábært tækifæri fyrir tónlistar-, leiklistar- eða íþróttamenntað fólk sem vill vinna sjálfstætt. Miklir möguleikar. Fullur stuðningur frá höfuðstöðvunum í Reykjavík.

Upplýsingar í síma 694 4666 eftir kl. 15.

## Jólahlaðborð í Einarshúsi

Þegar nær dregur jólum leggja veitingamenn ofurkapp á að bjóða upp á jólahlaðborð og hafa vinsældir þeirra aukist ár frá ári. Nú verður boðið upp á slíkan munað í Einarshúsi í Bolungarvík og ekkert er sparað til að gera kvöldin sem best úr garði. Stórmellnir veislustjórar ætla að stjórna herlegheitunum styrkri hendi og lifandi tónlist verður í boði á borðhaldi og fram á rauða nótt. Fyrsta hlaðborðið er 1. desember og örfá sæti eru laus en uppselt er á jólahlaðborð sem halda á 8. desember. Boðið verður þó upp á eitt slíkt þann 14. desember ef næg þátttaka fæst.

## Afli Vestfirðinga dregst saman

Heildarafli á Vestfjörðum dróst saman um 300 tonn í nýliðnum októbermánuði samanborið við október 2006. Munar þar mestu um að þorskaflí hefur dregist saman um 1000 tonn, var 2400 tonn í fyrra en einungis 1400 tonn í liðnum mánuði. Það sem vegur upp á móti aflasamdrætti í þorski er stóruauknar ýsuveiðar. Í október 2006 komu á land 1200 tonn af ýsu á Vestfjörðum en í ár 1900 tonn. Vestfirskar útgerðir virðast ætla að bæta sér niðurskurðinn í þorskheimildum með aukinni sókn í ýsu.



Norska bakarið hefur tekið miklum breytingum í gegnum tíðina.

# Lagst gegn niðurrifi Silfurgötu 5

Húsafríðunarnefnd ríkisins leggst gegn niðurrifi húseignarinnar að Silfurgötu 5 á Ísafirði, Norska bakaríinu svokallaða, þar sem fyrirtækið Straumur hf., var áður til húsa. Bréf þessa efnis frá Magnúsi Skúlasyni, formanni Húsafríðunarnefndar, var tekið fyrir á fundi umhverfisnefndar Ísafjarðarbæjar í síðustu viku. Í bréfi Magnúsar segir m.a. að þótt húseignin hafi tekið nokkrum breytingum í tímans rás, sé lagst gegn niðurrifi þess. Húsið hafi mikið varðveislugildi sökum aldurs, en það var byggt árið 1884, menningarstarfsemi og staðsetning-

ar þess á horni Silfurgötu og Brunngötu. Húsið sé því afar mikilvægt í götumynd Silfurgötu.

Í bréfi Magnúsar segir enn fremur: „Nefndin leggur til að húsið á lóð nr. 20 við Brunngötu verði ekki rífið, en flutt yfir á hornlóðina Silfurgötu 3, þar sem fyrr stóðu Þórustaðir (byggt sem skóli árið 1875 og rífið 1984). Með því að endurgera norska bakaríð og flytja húsið sem stendur á Brunngötu 20 á hornlóðina gegnt því, myndi götumynd Silfurgötunnar styrkjast verulega og nýr grunnskóli gæti nýtt rými þessara húsa

fyrir einhverja af starfsemi sinni. Ekki verður séð að kröfur um stærð skólalóðar

skv. reglugerðarákvæðum í einum elsta miðbæ landsins verði til þess að farga merki

byggingararfleids hans.“ Umhverfisnefnd hefur óskað um sagnar byggingarnefnd-

ar Grunnskólans á Ísafirði vegna þessa.

– sigridur@bb.is

## Ánægður með álit Húsafríðunarnefndar

Sigurður Pétursson, bæjarfulltrúi Í-listans, segist vera ánægður með álit Húsafríðunarnefndar ríkisins þar sem nefndin leggst gegn niðurrifi Silfurgötu 5 á Ísafirði, Norska bakaríinu svokallaða, þar sem fyrirtækið Straumur hf., var áður til húsa. Ísafjarðarbær keypti

húsið til niðurrifs til að stækka lóð Grunnskólans. Sigurður segir að verði húsið friðað og Brunngata 20 fært þangað sem nú eru bílastæði við Björnsbúðarhúsið verði skerðing á lóð Grunnskólans ekki svo mikil. „Mín skoðun er sú að Austurveginum verði lokað frá Norðurvegi og þar verði

skólalóð“, segir Sigurður. Hann segir að aðkoma að Aðalstræti sem nú er frá Austurvegi þurfi ekki að skerðast, hægt að komast inn á götuna frá Silfurtorgi. Aðspurður hvort bæjaryfirlöngum hafi ekki getað búið við þessu álit Húsafríðunarnefndar segir Sigurður að menn hljóti að hafa gert sér

grein fyrir að 120 ára gamalt hús yrði ekki rífið sísvona.

Hann segir að bærin verði að axla þá ábyrgð að gera húsið upp og uppi séu hugmyndir um að nýta það sem menningar- og safnahús.

– smari@bb.is



### Stundakennarar

Háskóla Setur Vestfjarða óskar eftir stundakennurum í frumgreinanám sem hefst í janúar 2008.

Um er að ræða kennslu í eftirfarandi greinum:

- Íslenska
- Danska
- Enska
- Stærðfræði
- Tölvufræði
- Bókhalda

Gerð er krafa um háskólamenntun. Umsóknarfrestur er til 30. nóvember.

Nánari upplýsingar veitir Martha M. Olsen, þjónustu- og kennslustjóri í síma 450 3041 eða í netpósti á netfangið marthalilja@hsvest.is.

## Bjuggumst við einhverju frá Húsafríðunarnefnd

Jóhann Birkir Helgason, bæjartæknifræðingur Ísafjarðarbæjar, segist hafa búið við einhverju viðlíka því sem kom fram í álit Húsafríðunarnefndar ríkisins um niðurrif tveggja húsa á Eyrinni. „Við bjuggumst við einhverju slíku frá þeim, en ég bjóst við að það kæmi fram þegar skipulagið var auglýst. Það komu fram athugasemdir við skipulagið þegar það var auglýst en ekki um niðurrif húsa“, segir Jóhann.

Hann segir að allt ferlið hafi menn vitað af aldri hússins sem áður hýsti Straum og álit

þyrfti frá Húsafríðunarnefndinni áður en það yrði af niðurrifi þess. „Ég get ekki sagt til um hvort álit sé bindandi, við munum ræða við nefndina í góðu tómi. Við erum að uppfylla lög og reglur með því að óska eftir þeirra umsögn, þá verður nefndin líka að uppfylla lögin og koma með peninga í endurbyggingu húsa fari svo að þau verði friðuð.“

Skipulagið gerir ráð fyrir að húsin verði rifin til að rýma fyrir lóð í kringum grunnskólann. Jóhann segir að fleiri leiðir séu færar en sú sem skipulagið gerir ráð fyrir.



Brunngata 20. Húsafríðunarnefnd leggst gegn niðurrifi og leggur til að húsið verði fært á bílastæði við Björnsbúð.

„Fyrirverandi byggingarnefnd hverfisnefnd. Það þarf bara að dusta rykið af hinum tillögum og úr varð að hún mælti með þessari við um-

– smari@bb.is



## Taka 20 milljóna króna lán fyrir framkvæmdum

Bæjarráð Bolungarvíkur hefur heimilað bæjarstjóra að taka 20 milljóna króna lán hjá Lánasjóði sveitarfélaga til fjármögnunar reksturs og framkvæmda. Hafnarsjóður hefur nýverðið greitt 7 milljónir króna vegna stálþils og fyrirséður kostnaður vegna félagsheimilis er 5 milljónir króna á þessu ári. Um er að ræða umfangsmiklar framkvæmdir við Bolungarvíkurhöfn, sem í felst endurbygging stálþils efst við Brjótinn, lagnir og þekja. Þá fara fram gagnegar endurbætur á félagsheimilinu, sem einnig er þekkt undir nafninu Víkurbær, og hefur verið samkomustaður Bolvíkinga frá því að það var vígt árið 1952. Stefnt er að því að verkið verði boðið út í byrjun desember.

## Mikið að gera hjá KNH

Mikið er að gera hjá verktakafyrirtækinu KNH á Ísafirði. Sævar Óli Hjörvarsson, einn eigenda KNH segir fyrirtækið vera með verk um allt land. Meðal annars er verið að vinna í Borgarfirði, Kollafirði, Ísafirði, Mjóafirði og Reykjavík þar sem Sævar er staddur. Fyrirtækið hefur undanfarna mánuði unnið að jarðvegsframkvæmdum við eitt stærsta hús landsins, 40 þús. fermetra vöruhús nálægt Korpúlfsstöðum. KNH er eitt stærsta fyrirtæki á Vestfjörðum með um það bil 70 starfsmenn.

## Pétur kvaddur eftir 40 ára starf

Pétur Sigurðsson, fyrrum formaður Verkalýðsfélags Vestfirðinga, var kvaddur í samsæti sem haldið var honum til heiðurs á Hótel Ísafirði á dögunum. Pétur lét af starfi formanns í maí á þessu ári eftir fjörutíu ára starf í eldlínu vestfirskrar verkalýðsbaráttu. „Það er í raun ótrúlegt að Pétur sé að verða 76 ára í næsta mánuði, því ekki er að sjá að kappinn slái af, hvorki í orðum eða verki, eftir um 40 ára baráttu í þágu launþega í landinu“, segir á vefsíðu Verk-Vest. Í hófinu voru sögur af kappanum, bæði gamlar og nýjar, og var hann leystur út með gjöfum frá félaginu fyrir fórnfúst og óeiginlegu starf fyrir launþega á Vestfjörðum. „Þar sem Pétur er mikill útvist-

arPétur kvaddur eftir 40 ára starf í þágu vestfirskra launþegmaður færði félagið honum forlata gönguskó og var haft á orði að þeir væru með „spólvörn“ sem kæmu honum örugglega á áfangastað. Þá var Pétri fært gjafabréf frá ferðaskrifstofu, og var gert góðlátlegt grín að það væri gefið svo nýi formaðurinn fengi einhvern frið fyrir kallinum. Það kom fram hjá þeim sem fluttu Pétri kveðjur að hann naut ekki aðeins virðingar og trausts á heimaslóðum, heldur voru skoðanir hans mikils metnar innan launþegahreyfingarinnar. Pétur Sigurðsson þótti gjarnan framsýnn og kappsamur“, segir á vef Verk-Vest. – [thelma@bb.is](mailto:thelma@bb.is)

## Háskólinn í Reykjavík og Háskóla-setrið undirrita samstarfssamning

Háskólinn í Reykjavík og Háskóla-setur Vestfjarða, undirrituðu í síðustu viku samning um nám á frumgreinasviði. Háskóla-setur Vestfjarða hyggst, frá næstu áramótum, bjóða upp á staðarnám í frumgreinum við HSVest á Ísafirði í samstarfi við HR. Inntak námsins verður jafngilt frumgreinanámi HR og verður kennsluskrá frumgreinanáms HR notuð í frumgreinanámi við HSVest. Markmið námsins er fyrst og fremst að veita undirbúning til frekara náms í tækni- og verkfræðideild við HR.

„Þetta hefur þá þýðingu að við erum að fá að kenna hjá okkur besta frumgreinanámið á landinu en það byggir á traustum grunni frumgreina-deildar Tækniháskóla Íslands. Þeir hjá HR hafa ekki áður selt námið frá sér en nemendur okkar munu koma til með að útskrifast með sömu réttindi



Martha Lilja Olsen þjónustu- og kennslustjóri Háskóla-seturs Vestfjarða og Málfríður Þórarinsdóttir, sviðsstjóri frumgreinanáms við HR. Fyrir aftan þær standa Gunnar Guðni Tómasson, forseti tækni- og verkfræðideildar HR og Svafa Grönfeldt, rektor Háskólans í Reykjavík.

og nemendur HR“, segir Martha Lilja Olsen, þjónustu- og kennslustjóri Háskóla-seturs Vestfjarða.


Námið er ætlað þeim sem hafa lokið burtfararprófi úr iðn-, verkmennta-, fjölbrautaskóla, eða sambærilegu námi.

Námið er einnig ætlað þeim sem þegar hafa lokið stúdentsprófi en hafa ekki nægjanlegan fjölda eininga í stærðfræði og eðlisfræði. Fólk sem ekki uppfyllir ofangreind skilyrði, getur engu að síður fengið innngöngu á grundvelli umtals-

verðrar starfsreynslu. „Námið eykur mjög fjölbreytni í námi hér vestra og gefur möguleika á hækkanði menntunarstigi. Þetta er brú í háskólanám fyrir þá sem ekki hafa lokið stúdentsprófi“, segir Martha.

– [thelma@bb.is](mailto:thelma@bb.is)

## Office 1 Superstore



Harðskafi kr. 2.990.-

Allar helstu jólabækurnar verða í Office 1 á Ísafirði fyrir þessi jól ásamt jóla-kortum, jólapappír, pakka-böndum og ýmsum öðrum skemmtilegum jólavörum



# Mannlífið

## Smáauglýsingar

Raðhús til leigu. Til leigu 140m<sup>2</sup> raðhús ásamt 30m<sup>2</sup> bílskúr á Ísafirði. Nánari upplýsingar gefur Karl í síma 895 0292.

Til sölu eru fjögur vetrardekk, stærð 185/70 R14 á kr. 15.000. Upp. í síma 869 0583.

Óska eftir Hokus Pokus stól gefins eða fyrir lítinn pening. Verður að vera vel með farið. Uppl. í síma 691 2645.

Til sölu eru vandaðir díóðuljósakrossar á leiði, 12, 24 og 32 volt. Upplýsingar í síma 456 3277 og 896 8740.

Til sölu er Toyota Hiace árg. 96, 4x4, 2.4 dísel. Upplýsingar í síma 846 7479.

Félag eldri borgara! Bingó verður í Safnaðarheimili Ísafjarðarkirkju 17. nóvember kl. 14:00.

Hlutavelta verður haldin í þröttahúsinu á Flateyri laugardaginn 24. nóvember kl. 14:00.

Til sölu er lítið notaður bensínþvíli, fjarstýrður. Gerð: Traxxas Nitro Sport. Ymsir fylgihlutir, aukakerti, bensínbrúsi, glóðahitari. Lipur og skemmtilegur í akstri. Nær allt að 70km hraða. Uppl. í síma 865 7818.

Til sölu er sem nýr og vel með farinn, rafknúinn lyftistöng með áföstum fótaskemli. Auðveldar fólki að standa upp og setjast. Kostar nýr kr. 149.900. Tilvalin jólagjöf. Upplýsingar í símunum 456 3380 eða 843 9405.

Til sölu er Santa Fe árg. 2001, beinskjiptr, ekinn 134 þús. km. Fæst með 400 þús. króna útborgun og restin yfirtaka á láni. Uppl. í síma 694 8494.

Þar með eitt barn vantar íbúð til leigu, helst 3ja herb. á 1. hæð. Búum í Reykjavík. Uppl. gefur Kristján í síma 858 6408.

Óska eftir tvíþuravagni, hlið við hlið vagni. Á sama stað er til sölu Kassel borð uppþvottavél á kr. 10 þúsund. Uppl. gefur Ólöf í síma 868 9661.

Til sölu eru fjögur nagladekk. Stærð 235/70-16. Upplýsingar í síma 895 8264.

Til sölu er Renault Megane, station, árg. 2001. Fæst á tilboðsverði, kr. 80 þús. út og fimm greiðslur á vaxtalaus láni – 24 þús. á mánuði. Upplýsingar í síma 858 7970.

Til sölu er Subaru Legacy Wagon GL 4WD, árg. 99, ekinn 125 þús. km. Uppl. í síma 849 8045.

**Gerist áskrif-  
endur í síma  
456 4560**

## Spurning vikunnar

Ert þú farin(n) að huga að jólaundirbúningnum?

Alls svöruðu 504.

Já sögðu 267 eða 53%  
Nei sögðu 237 eða 47%

Netspurningin er birt vikulega á bb.is og þar geta lesendur látið skoðun sína í ljós. Niðurstöðurnar eru síðan birtar hér.

## Jóna tekur sæti Kolbrúnar í fræðslunefnd

Jóna Benediktsdóttir hefur tekið sæti Kolbrúnar Sverrisdóttur sem varamaður Í-listans í fræðslunefnd Ísafjarðarbæjar. Kolbrún sagði sig úr fræðslunefndinni og kom afsögnin í kjölfar bókunar Sigurðar Péturssonar, oddvita minnihlutans í bæjarstjórn, þar sem hann óskaði eftir því að óháður aðili færi yfir umsóknir um starf skólastjóra Grunnskólans á Ísafirði þar sem „annar umsækjandi, um stöðu skólastjóra Grunnskólans á Ísafirði, er bæjarfulltrúi og hefur nýlega verið sagt upp störfum af núverandi meirihluta bæjarstjórnar“, eins og sagði í bókuninni. Umsækjandinn og bæjarfulltrúinn er eins og flestir vita áður nefnd Jóna sem hefur nú tekið við keflinu af Kolbrúnu.



Frá útlögn í sumar.

# Hefur alla kostina en ekki gallana

Nokkrir Vestfirðingar hafa hafið kræklingarækt í Ísafjarðardjúpi undir formerkjum félagsins Vesturskel ehf. Markaðurinn er mjög stór en ræktun á bláskel á sér rætur aftur á 13. öld í Frakklandi að því er elstu heimildir greina frá. Öldum saman var líkt eftir náttúrulegum aðstæðum í fjörum með liggjandi botnrækt eða staurarækt. Flekarækt kom seinna til sögunnar og nýjasta formið er hengirækt á flötlinum. Kanadamenn hafa tekið forystuna í þróun ræktunaraðferða við Norður Atlantshaf og nota helst flötlínur.

Bæjarins besta ræddi við Magna Örvar Guðmundsson, einn af upphafsmönnum kræklingaræktunar í Djúpinu.

– Hvernig var upphafið af kræklingaræktinni.

Ég prófaði fyrir mörgum árum að leggja nokkrar spotta út við Arnarnesið inn undir Hamrinum ásamt Jóni Jóhannessyni, sem þá var forstöðumaður rannsóknastofu fiskiðnaðarins á Ísafirði. Það gekk á ýmsu og við vorum ekki einu sinni með bát en fengum hjálp góðra manna. Við fengum einu sinni eða tvisvar í máltíð fyrir okkur og vissum þá að þetta væri hægt. Svo flutti Jón úr bænum og það var enginn tími til að sinna þessu, en árið 2000 fór ég aftur af stað og lagði út á Hestfirði eina línu til þröngu en hún fór öll flækju. Ég var bara á trillunni minni og þetta gekk ekki með svona litlum bát en

ég sá það strax að það hefði komið mikið af kræklingi. Árið eftir var greitt úr línunni og sú lögn er enn í sjó og ég hef sótt á hana töluvert af skel. Hana hef ég mest notað sjálfur og gefið vinnu og vanda mönnum. Ég og Gísli Jón Kristjánsson, skipstjóri á Öldunni ÍS, lögðum eina línu á Hestfirði fyrir tveimur árum og við höfum að undanförunni tekið af henni og boðið ýmsu að smakka hér í bæ. Sú skel er komin í æskilega markaðssterð og er um 50-60 millimetra löng.

Í febrúar í ár var svo stofnað félagið Vesturskel ehf. Hlutféð er um 2,7 milljónir króna og markmiðið er að rækta krækling í Ísafjarðardjúpi og jafnvel víðar í Ísafjarðarbæ af sjómönnum og er um 50-60 millimetra löng.

Í sumar lögðum við út 6 línur 220 metra langar en á þeim hanga um 12 kílómetrum af söfnurum í Hestfirði og Skötufirði. Við skoðum núna í síðustu viku kom í ljós að lírfuásetan hefur verið allgóð, nú eru komnir þínulitlir kræklingar sem lofar mjög góðu. Við þurfum að fylgjast vel með þessu og í september á næsta ári verður þetta orðið um 20-25 mm þá munum við taka kræklinginn af línunni og setja í svokallaða sokka. Þá mun þetta þrefaldast að magni, sem þýðir að þær sex



Fullvaxinn kræklingur.

línur sem við eigum í sjó verða að átján. Þegar kræklingurinn er kominn í sokka verður öllu sökk niður á um 5 metra dýpi, og er þá öruggari fyrir ókyrrð á sjónum og ágangi æðarfuglsins sem er einn verst óvinur bláskeljakræklinga, en hann á mun auðveldara með að éta ræktaða kræklinga þar sem þeir hafa þynnri skel en þeir sem finnast í fjörinni. Einnig verður skelin ekki eins föst á línunum þegar hreyfingin verður nánast engin.

Markaðshorfur eru góðar svo framarlega sem við komumst í kristileg flutningsgjöld. Evrópumarkaðurinn neytir um 600 þúsund tonn á ári. Framleiðslan hefur þó heldur dregist saman í Evrópu því það hefur komið upp mengun á svæðum og annað þess háttar. Það er því töluvert meiri þörf fyrir skel.“

## Vaxandi íðnaður

„Fleiri aðilar á Íslandi eru komnir í kræklingarækt. Menn

eru komnir lengst í Eyjafirði, hjá félaginu Norðurskel. Þeir eru að uppskera í fyrsta sinn í haust, reyndar eru þeir ekki með mikið magn en á næsta ári verður það umtalsvert. Í Króksfirði, sem Króksfjarðar-nes stendur við, er aðili með rækt í samstarfi við Norðurskel. Síðan er að byrja rækt í Steingrímsfirði á Ströndum, hér við Ísafjarðardjúpi, í Stykkishólmi, í Djúpvaggi og svo Skelfiskur ehf., sem menn eru saman með frá Tálknafirði og Patreksfirði. Stofnuð hafa verið landssamtök sem heita Skelrækt.

Íðnaðurinn er mjög vaxandi í heiminum. Nýsjuendur eru mjög stórir og Kanadamenn hafa byggt upp mjög mikla kræklingarækt t.d. við Nova Scotia á síðustu tíu til 15 árum. Þeir hafa þróað aðferðir og búnað við kræklingarækt sem er notað víða annars staðar.

Þeir sem koma að kræklingaræktinni þurfa að vera í samstarfi við stofnanir eins og Mátis, Fiskistofu og Haf- rannsóknastofnun í sambandi við eftirlit með þörungagróðri. Það er allt í vinnslu en svokölluð þörungavöktun hefur verið stunduð í mörg ár á völdum stöðum kringum landið og er hægt að fylgjast með því á vef Haf- rannsóknastofnunar [www.hafro.is](http://www.hafro.is). Sumir þörungar geta verið hættulegir vegna þess að bláskelin sigtar sjóinn og étur þörungablóm- ann og getur orðið óhæf til

neyslu ef magn eitraðra þörungunga fer upp fyrir ákveðin mörk. Það er að segja ef að um er að ræða þær tegundir þörungunga sem fólk getur orðið veikt af og jafnvel dáið.“

– Erud þið að rækta til útlutnings eða eru þið að hugsa um innanlandsmarkaðinn?

„Við munum reyna að koma sem mestu inn á innanlands- markað þar sem það er stysti flutningurinn. En ef framleiðslan er komin í þúsundir tonna á ári sem auðvitað er stefnt að þarf að huga að útlutningi og það örugglega fyrr en seinna. Það er ekki mikil hefð fyrir á neyslu á skelfiski á Íslandi nema þá humri eða rækju, og kræklingur þótti ekkert sérstök fæða á fyrri tíð og þótti jafnvel heldur niðrandi að þurfa að leggja sér hann til munns. Hún hefur heldur farið vaxandi í seinni tíð enda er þetta mjög góður matur og hægt að gera listagóðar súpur og rétti úr kræklingi.“

– Er einhver munur á rækt- aðri skel og villtri?  
„Ræktaða skelin er miklu holdfyllri og íslenska skelin er einnig með ívið betri fyllingu en sú sem er ræktað í Evrópu. Maður fær því meiri mat fyrir hvert kíló. Maður er algjörlega laus við sand úr ræktaðu skelinni og þessar perlur sem geta myndast í fjöruskelinni og gnísta í tönn- um. Hún er jafnaðri að stærð og ég tel hana hafa alla kosti bláskeljar en ekki gallana.“

## Þrjár umsóknir um starf forstöðumanns

Þrjár sóttu um starf forstöðumanns skíðasvæðisins á Ísafirði en umsóknarfrestur um starfið rann út 25. október sl. Umsækjendur eru þeir Björgvin Sveinsson frá Öfundarfirði, Hilmar Örn Þorbjörnsson frá Ísafirði og Úlfur Guðmundsson frá Siglufirði. Að sögn Þorleifs Pálssonar bæjarritara er stefnt að því að búið verði að ráða í stöðuna í þessari viku. Í nýju skipuriti Ísafjarðarbæjar mun skíðasvæðið heyra undir framkvæmda- og rekstrarsvið og vera í stöðdeild er kallast eignausmjón en það var áður undir skóla- og fjölskyldusviði og í heyrði til hjá íþrótt- og tómstundafulltrúa.

## Helgarveðrið

**Horfur á föstudag:** Allhvöss suðaustanátt með snjókímu og síðar slyddu eða rigningu, einkum sunnan- og vestanlands. Hlýnandi veður. **Horfur á laugardag:** Norðan 10-15 m/s og slydda eða snjócoma norðan- og austanlands en léttir til sunnan- og vestanlands. Hiti í kringum frostmark. **Horfur á sunnudag:** Snýst líklega í suðaustanátt með slyddu eða snjókomu en rigningu SV-lands.



Glatt er á hjalla meðal Línukvenna á meðan þær sitja yfir fönndru.

# Línan 35 ára

Konur í kvennadeild Slysavarnafélagsins Landsbjargar á Ísafirði hafa komið saman í vikulega að vetrarlagi í 35 ár til þess að útbúa vinninga í Línuna sem er jólahappdrætti þeirra. Á hverju þriðjudagskvöldi sitja félagskonur við hannyrðir í Guðmundarbúð. Það er þægilegur andi sem svífur yfir vötnum í fönndru og engin situr auðum höndum. Allar konurnar eru að gera hluti sem eiga eftir að gleðja heppna línukaupendur í jólamánuðinum. Allt í kring má sjá fállega muni sem félagskonur hafa gert þetta árið og kennir ýmissa grasa. Heilmikið af handgerðu jólaskrauti, allskyns útsaum; púða, dúka og myndir. Árið er þannig hjá slysavarnakonum að þær setjast við sauma og fönndur strax í janúarbyrjun og eru að fram á vor, taka sér smávegis sumarfrí og koma svo aftur saman að hausti. Hápunktinum er svo náð í jólamánuðinum þegar afrakstrinum er stillt upp í útsýnisglugga í miðbæ Ísafjarðar, þar sem bæjarbúar geta dást að öllum gersemunum sem þar er að finna. Síðan er mikil hátíðarstund og glatt á hjalla hjá konunum þegar dregið er úr seldum Línunum.

Þegar blaðamaðinn ber að garði eitt þriðjudagskvöldið í Guðmundarbúð eru sjö konur mættar til fönndursins, það tynast inn fleiri þegar liður á kvöldið. Ein er að gera svuntu, önnur að gera adventukrans, ein enn bútausamynd og aðrar sauma út. Mætingin er oft í kringum tíu konur, en

getur farið yfir tuttugu þegar best lætur. Konurnar eru sam-mála um það að þær mættu vera fleiri og nýliðunin betri. Aðeins ein kona á þrítugsaldri situr við og þegar ég spyr um nýliðun svarar hún „þú ert að horfa á hana“ sem veldur miklum hlátrasköllum. Félags- og sjálfböðastarf á í vök að verjast á þessum síðustu og verstu tímum er flestir vinna langan vinnudag og margt sem glepur fólk í frítíma þess. Segja má með nokkurri vissu að sjónvarpsdagskráin og internetið tróni þar ofarlega. Þær slysavarnakonur sem lengst hafa verið segjast ekki vilja missa af því að mæta, félagskapurinn sé bæði góður og heilbrigður og kvennanna á meðal sé alltaf glatt á hjalla. Þær geta trútt um talað því þær hafa verið með frá upphafi, en upphaf Línunnar má rekja til þess er Anna Helgadóttir slysavarnakona og sjómansfrú frá Ísafirði var stödd í Flekkefjord í Noregi ásamt eiginmanni sínum að taka á móti nýsmíðuðum Júlíusi Geirmundssyni. Hún komst þar í kynni við Hvítasunnukonur sem höfðu það fyrir síð að hittast einu sinni í viku og fönndra, svo voru seldar línur í bók, þar sem fólk skrifaði nafnið sitt og fór í happdrættispott. Anna tók hugmyndina með sér til Ísafjarðar og síðan hefur Línan verið fastur liður í kringum adventuna. Að sjá vinninga í Línunni stillta út í glugga í miðbænum er löngu orðin hefð og er í hugum margra til marks um að jólin séu á



Ragna Arnaldsdóttir segir að allar konur séu velkomnar. næsta leiti.

Ragna Arnaldsdóttir er um-sjónarkona Línunnar og segir hún allar konur velkomnar í félagið og með þeim í fönndrið. Hún segir ávallt þörf á iðnum höndum að halda til að gera einhverja hinna fjölmörgu vinninga sem Línan skartar ár hvert. Ragna segir að áður fyrir hafi sjómanskonur nánast sjálfkrafa hafa gengið í kvennadeildir slysavarnafélaganna og segist á þeirri skoðun að þannig ætti það enn að vera. Konurnar gefa allar vinnuna sína í fönndru og liggja ótal-margar klukkustundir að baki öllum handgerðu vinningunum. Slysavarnafélagið leggur til efniviðinn til fönndurgerðarinnar og stundum færa góð-viljaðir aðilar þeim eitt og annað að móða úr. Á hverju ári leggja félagskonur sig fram við að vera með nýja og ferska hluti og fá konurnar frjálssar hendur með efnistökin, hvað eftir högum hverrar fyrir sig.

Línan aðalfjáröflunarleið Kvennadeildarinnar og skipta vinningar iðulega hundruðum, safnast hafa allt að 500-600 þúsund krónum á ári sem

hefur svo með einum eða öðrum hætti verið ráðstafað í slysavarnir í heimabyggð.

Í tilefni afmælis Línunnar höfðu slysavarnakonur opið hús á dögnum í Guðmundar-búð. Góðir gestir litu við og fengu sér vöffur og kaffisopa. Þar voru sýndir vinningar í Línunni í ár, sagt frá félaginu, endurskinsmerkjum útdeilt og hægt að líta myndir frá starfi slysavarnafélagsins og sumarferðum slysavarnakvenna. Kvennadeild slysavarnafélagsins Landsbjargar á Ísafirði telur nú tæplega eitthundrað konur og er engin skylda að vera með í fönndru þó konur skrái sig í félagið, margar sinna öðru verkum innan þess og aðrar eru komnar við aldur. Meðal annarra verka sem konurnar sinna er umferðarkann-anir við leikskólana í bænum, þær útdeila endurskinsmerk-um og eru alltaf til taks til fleiri hluta innan slysavarna-félagsins.

Línan verður seld í verslunum á Ísafirði á adventunni. Dregið verður úr seldum línunum 12. desember.



Sælkerar vikunnar eru Gígja Harðardóttir og Gylfi Guðmundsson á Ísafirði

## Spænskur kjúlli og ýsuréttur

Sælkerar vikunnar bjóða upp á tvo rétti sem þeir segja að séu mikið eldaðir á þeirra heimili. Fyrri rétturinn er kjúllingaréttur með spænsku ívafi og benda Gígja og Gylfi á að uppskriftin miðast við tvo heila kjúllinga eða átta bringubita en svo megi minnka eða auka skammtinn að vild. Seinni rétturinn er úr smiðju listagóða kokksins Sigga Hall en þar er á ferðinni bragðgóður ýsuréttur.

Ágætt að hræra þessu sam-an áður en því er helt yfir kjúllinginn. Látið í 180 gráðu heitan ofn og bakið í ca 40 mín. Borið fram með hris-grjónum og góðu brauði.

### Ýsuréttur frá Sigga Hall

- 1 msk olía
- 3 hvítlauksgeirar skornir í sneiðar
- ½ blaðlaukur skorinn í ca 1 cm sneiðar
- ½ til 1 paprika skorin í bita
- 2 cm engirferrót rifin
- 1 ½ dl fisk- eða grænmetis soð
- 1 dós niðursoðnir tómatar, fleysjaðir
- 1 til 2 lárviðarlauf
- 2 tsk kóríander
- 1 tsk cummin (ekki kúmen)
- 1 tsk paprikuduft
- Salt og pipar
- Léttsteikið grænmetið upp úr olfunni og helmingsnum af þurrkryddinu, soðinu og lárviðarlaufinu bætt út í ásamt tómötunum.

Skerið fiskinn í bita, stráðið salt og pipar og restinni af þurrkryddinu yfir. Látið sósuna í eldfast mót, leggið fiskinn ofan á og allt sett í 200 g heitan ofn. Bakið í 10 til 12 mín. Borið með hrisgrjónum, þá má setja ristud sólblómafræ útí grjónin ásamt ólívum ef vill.

Ég skora á Andreu Harðardóttur að koma með uppskrift í næsta blað.

### Spænski kjúllinn

2 heilir kjúllingar eða átta bringubitar

### Marinering

- ½ hvítlaukur
- ¼ bolli oregano
- ½ bolli sveskjur, skornar í tvennt eða smærra
- ¼ bolli grænar steinlausar ólívur, skornar í tvennt eða smærra
- ¼ bolli kapers
- 1 bolli ólívuolía
- 6 stk lárviðarlauf
- Salt og pipar, hæfilega mikið

Hrærið saman og látið í skál eða far. Setjið kjúllinginn út í og látið liggja í 6 til 24 klukkustundir. Látið í eldfast mót og bætið eftirfarandi út í:

- ¼ steinselja
- ½ bolli hvítvín, má vera óáfengt skiptir ekki máli
- ½ bolli púðursykur

## Sparisjóðsstjóri í ræstingum

Angantýr Jónasson, sparisjóðsstjóri Sparisjóðs Vestfirðinga, hefur vakið nokkra athygli í höfuðstöðvunum á Þingeyri fyrir að ganga óhikað til fjölbreyttra starfa innan sparisjóðsins. Að því er fram kemur í DV hefur hann, samhliða því að gegna ábyrgðarmiklu starfi sem sparisjóðsstjóri, sinnt ræstingum í útibúinu sem hann stýrir. Angantýr sinnir þó ekki ræstingun-

um daglega heldur hann af og til leyst aðra af þegar svo hefur borið undir. Í samtali við DV sagðist Angantýr að í litlum plássum væri það þannig að menn gengju til þeirra verka sem þyrfti að leysa hverju sinni. Angantýr Jónasson, sparisjóðsstjóri hugsar ekki mikið um þá ímynd sem áhrifamenn í fjármálaheiminum kunna að hafa meðal almennings.



Óháð fréttablað á Vestfjörðum í 20 ár  
**BÆJARINS BESTA**  
Stofnað 14. nóvember 1984 · Sími 456 4560 · Veffang: www.bb.is · Verð kr. 300 m/vsk

**bb.is – fjölsóttasti vestfirski vefurinn**

**BÍLAVERIÐ** ehf  
(Hjólbarðaverkstæði Ísafjarðar)

Dekkþjónusta  
Tímamantani á heimasíðu  
Sími: 456 3501 www.bilaverid.is

# Ísafjarðarbær kannar aðstæður fyrir netþjónabú í sveitarfélaginu

Fjárfestingastofa hefur sent Ísafjarðarbæ erindi vegna athugunar á aðstæðum fyrir rekstri og uppsetningu netþjónabúa á svæðinu. Ákveðnum sveitarfélögum var boðið að taka þátt í verkefninu en þau voru auk Ísafjarðarbæjar, Reykjanesbæjar, Sandgerði, Grindavíkur, Hafnarfjörður, Ölfus, Árborg, Fljótaldalshérað, Akureyri og Skagafjörður.

Kostnaður hvers sveitarfélags í athuguninum yrði 400 þúsund krónur. „Fjárfestingarstofa stóð sl. vor fyrir athugun á samkeppnishæfni Íslands í samanburði við helstu samkeppnislönd, varðandi rekstur gagnamiðstöðva/netþjónabúa.

Athugun þessi var unnin af Price Waterhouse Coopers í Belgíu og í samvinnu við ís-

lensku orkufyrirtækin, símafyrirtækin og Farice ehf. Niðurstöður benda ótvívert til að Ísland hafi samkeppnisforskot í þýðingarmiklum atriðum og nægir að nefna samkeppnishæfa endurnýjanlega orku, hagstætt loftslag (minni kælibörf), öryggi í gagnaflutningum og mikið rekstraröryggi í dreifingu rafmagns,“ segir m.a. í bréfi Fjárfestingastofu.

Í bréfinu segir einnig: „Verkfærni felur m.a. í sér eftirfarandi verkþætti: Athugun á rafmagnstengingum, öryggi þeirra og stærð. Athugun á gagnatengingum, öryggi þeirra og flutningsgetu. Aðgengi að vatni til kælingar. Lóðir/landsvæði/húsnæði. Aðgengi að hæfu vinnuafli. Jafnframt felur athuginin í sér tillögur til úrbóta á þeim þáttum sem

bæta má og grófa kostnaðar-áætlun fyrir þá vinnu. Fyrirhugað er að athugininni verði lokið í janúar n.k. og er áætlaður heildarkostnaður 6 milljónir króna auk vsk. Fjárfestingarstofan býður kostnaðarþátttöku að upphæð kr. 2 milljónir án vsk. eða sem nemur þriðja hluta kostnaðarinnar.“

Fjárfestingarstofu þótti því viðhæfi að kortleggja aðstæð-

ur í nokkrum þeim sveitarfélögum sem ætla má að ráði yfir einhverjum eða öllum þeim aðstæðum sem til staðar þurfa að vera, þegar staðsetning slíkrar starfsemi er ákveðin. Bæjarráð samþykkti að taka þátt í verkefninu og fól bæjarstjóra að finna kostnaði stað í fjárhagsáætlun og erindi var sent atvinnumálanefnd til kynningar.– sigridur@bb.is

# Skemmtiferðaskip: Dýpkun við Sundahöfn hefur margborgað sig

Guðmundur M. Kristjánsson, hafnarstjóri Ísafjarðarbæjar, býst við að enn fleiri skemmtiferðaskip eigi eftir að bóka sig næsta sumar, en alls hafa 23 skemmtiferðaskip nú þegar boðað komu sína til Ísafjarðar á næsta ári. „Ég veit af nokkrum skipum þar sem það er í pípunum að koma til Ísafjarðar. Ég á allavega ekki von á að það verði færri skip en á þessu ári og býst frekar við að þau verði fleiri. En það er erfitt að segja til um það fyrir vísit því bókanir eru að tínast inn til áramóta og jafnvel eitthvað eftir það.“

Í sumar komu 22 skip til Ísafjarðar og tvö komu í Vigur og á Hesteyri. „Það hefur verið mikil aukning á komum stærri skipa til okkar. Sem dæmi má nefna Thompson Cruises sem kom í fyrsta sinn í sumar og hefur nú bókað tvö skip á næsta ári og Holland Americanline en þrjú skip eru væntanleg frá því félagi í sumar“, segir Guðmundur.

Stærsta skipið sem kemur til Ísafjarðar sumarið 2008 er Maasdam, sem hefur komið tvisvar sinnum áður. Maasdam er um 55.500 brúttótonn og með því ferðast um 1.300 manns. „Við höfum beitt okkur fyrir því í markaðssetningunni að ná viðskiptum við stærri skipin þar sem meiri tekjur eu af þeim. Dýpkunin sem við gerðum 2005 hefur margborgað en hún hefur í för með sér að við getum tekið á móti mun stærri skipum upp að bryggju. Fyrsta skipið kemur þann 6. júní og það síðasta þann 29. ágúst.“



Maasdam við bryggju á Ísafirði í sumar.

## Launatekjur skerðast um 940 milljónir

Launatekjur í Ísafjarðarbæ skerðast væntanlega um 330 milljónir króna á næstu tveimur árum vegna 30% niðurskurðar á þorskkvóta. Þetta kemur fram í skýrslu Hagfræðistofnunar Háskóla Íslands. Samkvæmt útreikningum stofnunarinnar dragast launatekjur saman um 260 milljónir á þessu fiskveiðiári og um 70 milljónir á því næsta. Líklegt er talið að tekjurnar dragist saman um samtals 160

milljónir króna í Bolungarvík á næstu tveimur árum og um 110 milljónir króna í Vesturbyggð. Frá því er greint á ruv.is að Hagfræðistofnun Háskóla Íslands telur líklegt að launatekjur hér vestra dragist saman um samtals 940 milljónir vegna skertra veiðiheimilda.

Eins og greint hefur verið frá hér í blaðinu hefur skerðing þorskkvóta ekki aðeins áhrif fyrsta árið eftir að til hennar kemur. Samkvæmt niðurstöðum rannsókna Hagfræðistofn-

unar má ætla að framleiðsla haldi áfram að dragast saman í 1-2 ár en eftir það gangi áhrifin að hluta til baka. Ef þorskkvóti verður aukinn á ný myndi það að sjálfsögðu vinna á móti neikvæðum áhrifum. Er reiknað er út áhrif aflaskerðingar á laun í einstökum landshlutum hljóðar það upp á -490 milljónir á Vestfjörðum fyrsta árið, -240 annað árið, 190 þriðja árið, 180 fjórða og loks 140 það fimmta.– thelma@bb.is

## Kræklingarækt hafin í Ísafjarðardjúpi

Kræklingarækt er hafin í Ísafjarðardjúpi og hefur í því sambandi verið stofnað félagið Vesturskel ehf. Búið er að leggja línur sem nemur 12 km í Skötufirði og Hestfirði og er búið við að magnið sem myndast á þeim muni þrefaldast á næstu árum. „Íðnaðurinn er mjög vaxandi í heiminum. Ný-Sjálendingar eru mjög stórir og Kanadamenn hafa byggt upp mjög mikla kræklingarækt t.d. við Nova Scotia á síðustu tíu til 15 árum. Þeir hafa þróað aðferðir og búnað

við kræklingarækt sem mikið er notaður víða annars staðar“, segir Magni Örvar Guðmundsson, einn hluthafa Vesturskeljar ehf.

Að sögn Magna verður reynt að koma sem mestu magni á Íslandsmarkað en ef magnið margfaldast þurfi að huga að útflutningi. „Markaðshorfur eru góðar svo framarlega sem við komumst í kristileg flutningsgjöld. Evrópumarkaðurinn neytir um 600 þúsund tonn á ári og það er þörf á meiri skel.“

Að því er fram kemur á vef Skelræktar, hagsmunasamtaka skelræktenda, hefur skelrækt við strendur Íslands hefur verið í þróun síðastliðin 20 til 30 ár og einkum við bláskeljarækt. Ræktun í sjó er í grundvallaratriðum ólík eldi að því leyti að ekki er um fóðrun að ræða þar sem lífveran nærir sig alfarið sjálf og lifir í raun eins og villt skel í náttúrulegu umhverfi. Í skelrækt er náttúrulegum líffrum safnað eftir eðlilega hrygningu hjá tegundinni í umhverfinu.